

四庫全書薈要

• 乾隆御覽本

史部

欽定四庫全書薈要

史部

資治通鑑卷八十六

七



詳校官編修臣汪鏞

資治通鑑卷八十六

宋 司馬光 撰

胡三省 音註

晉紀八

起旃蒙赤奮若盡
著雍執徐凡四年

孝惠皇帝下

永興二年夏四月張方廢羊后 游楷等攻皇甫重累

年不能克

游楷等自太安二年攻
皇甫重至是首尾二年

重遣其養子昌求救

於外昌詣司空越越以太宰顓新與山東連和

事見上
卷上年

不肯出兵昌乃與故殿中人楊篇

故殿中人舊屬二衛部曲者

詐稱

越命迎羊后於金墉城入宮以后令發兵討張方奉迎

大駕

是年四月張方廢羊后其時方已奉帝入關蓋以威令遙脇留臺百官使廢羊后耳今皇甫昌迎后

入宮欲發兵討方特以是起兵非因方在洛而討之也

事起倉猝百官初皆從之

俄知其詐相與誅昌顯請遣御史宣詔喻重令降

降戶江翻

下同重不奉詔先是城中不知長沙厲王及皇甫商已死

長沙厲王死見上卷上年皇甫商死見上卷太安二年先悉薦翻

重獲御史騶人

因御史來

宣詔獲其騶人騶側鵠翻廐御也晉制諸公給騶八人下至御史各有差齊王融曰車前無八騶何得稱丈夫

則駟蓋辟車之卒

問曰我弟將兵來欲至未駟人曰已爲河間

王所害重失色立殺駟人於是城中知無外救共殺重

以降顗以馮翊太守張輔爲秦州刺史

顗以破劉沈之功用張輔

六月甲子安豐元侯王戎薨于郟

王戎薨郟見上卷上年郟音夾

張

輔至秦州殺天水太守封尚欲以立威又召隴西太守

韓稚

守式又翻

稚子朴勒兵擊輔輔軍敗死涼州司馬楊楸

言於張軌曰韓稚擅殺刺史明公杖鉞一方不可不討

軌從之遣中督護氾瑗帥衆二萬討稚稚詣軌降

中督護中

軍督護也汜音凡瑗于
眷翻帥讀曰率下同

未幾

幾居
豈翻

鮮卑若羅拔能寇涼

州軌遣司馬宋配擊之斬拔能俘十餘萬口威名大振

史言張軌能尊主
攘夷以致強盛

漢王淵攻東嬴公騰騰復乞師於

拓跋猗也

復扶又翻
也徒河翻

衛操勸猗也助之猗也帥輕騎數

千救騰斬漢將慕容母豚

母音無慕容母複姓北狄傳匈奴
國人有慕容氏勒氏皆勇健好

反叛考異曰後魏書桓帝紀及劉淵傳皆云淵南走
蒲子按晉載記淵無走蒲子事下云自離石遷黎亭蓋

後魏書考
誕妄言耳詔假猗也大單于

單音
蟬

加操右將軍甲申猗

也卒子普根代立東海中尉劉洽以張方劫遷車駕

晉諸王國有郎中令中尉大農爲三卿張方劫遷車駕事見上卷上年勸司空越起兵討

之秋七月越傳檄山東征鎮州郡云欲糾帥義旅奉迎

天子還復舊都

舊都謂洛陽

東平王琳聞之懼長史王修說

琳曰東海宗室重望今興義兵公宜舉徐州以授之則

免於難

說輪芮翻難乃旦翻

且有克讓之美矣琳從之越乃以司

空領徐州都督琳自爲兗州刺史詔即遣使者劉虔授

之

琳督徐州始八十四卷永寧元年去年范陽王虓以荀晞行兗州晞留許昌未及至州而琳自領之

是

時越兄弟並據方任

越弟略都督青州模都督冀州

於是范陽王虓

虓虛

交翻及王浚等共推越爲盟主越輒選置刺史以下輒專

朝士多赴之

朝士赴越者不從帝在長安者也朝直遂翻

成都王穎既廢

穎廢見上

河北人多憐之

穎鎮鄴初有時譽後雖以驕侈致禍河北之人厭亂而思

舊故多

穎故將公師藩等自稱將軍起兵於趙魏衆至

數萬初上黨武鄉羯人石勒有膽力善騎射

武鄉縣晉置屬上黨

郡後石勒分置武鄉郡劉昫曰唐潞州武鄉縣漢河東之垣縣也唐遼州榆社縣分晉武鄉縣置載記曰勒匈

奴別部羌渠之胄又匈奴傳曰北番入居塞內者有十九族羯其一也羯居謁翻

并州大饑建

威將軍閭粹說東嬴公騰

說輸

執諸番於山東賣充軍

實勒亦被掠賣爲平人師懼奴

在平縣前漢屬東郡後漢屬濟北國晉屬

平原國應劭曰在在山之平地置縣意其地當在唐齊州博州界劉昫曰在平縣併入唐博州聊城縣被皮義

翻師古曰在音仕疑翻

懼奇其狀貌而免之懼家鄰於馬牧勒乃

與牧帥汲桑結壯士爲羣盜

帥所類翻

及公師藩起桑與勒

帥數百騎赴之

帥諸曰率

桑始命勒以石爲姓勒爲名

石勒始此

藩攻陷郡縣殺二千石長吏

長知兩翻

轉前攻鄴平昌公模

甚懼范陽王虓遣其將苟晞救鄴與廣平太守譙國丁

紹共擊藩走之

漢武帝置平于國宣帝改爲廣平國後漢光武省屬鉅鹿郡魏文帝黃初二年

復置廣平郡唐
爲洺州之地

八月辛丑大赦 司空越以琅邪王

睿爲平東將軍監徐州諸軍事留守下邳監工衛翽睿請王

導爲司馬委以軍事

考異曰元帝鎮下邳請導爲安東司馬按元帝時爲平東及徙揚

州乃爲安東耳或者平字誤爲安
或後爲安東司馬故但云司馬 越帥甲士三萬西屯

蕭縣

蕭縣自漢以來屬沛郡唐屬徐州

范陽王虓自許屯于滎陽

許即許昌

越承制以豫州刺史劉喬爲冀州刺史以范陽王虓領

豫州刺史喬以虓非天子命發兵拒之虓以劉琨爲司

馬越以劉蕃爲淮北護軍劉輿爲潁川太守

輿琨蕃之子也 喬

上尚書列與兄弟罪惡因引兵攻許

豫州刺史時治穎上時掌翻

遣

長子祐將兵拒越於蕭縣之靈壁

長知兩翻

越兵不能進東

平王琳在兗州徵求不已郡縣不堪命范陽王琬遣苟

晞還兗州

琬用苟晞爲兗州刺史見上卷上年

徙琳都督青州琳不受命

背山東諸侯與劉喬合

背蒲妹翻

太宰顓聞山東兵起甚

懼以公師藩爲成都王穎起兵壬午表穎爲鎮軍大將

軍都督河北諸軍事給兵千人以盧志爲魏郡太守隨

穎鎮鄴欲以撫安之又遣建武將軍呂朗屯洛陽顓發

詔令東海王越等各就國越等不從會得劉喬上事

上事

者言東海王越等起兵及喬攻許拒越之事上時掌翻

冬十月丙子下詔稱劉輿

迫脅范陽王琬造構凶逆其令鎮南大將軍劉弘

劉弘都督

荆州平南將軍彭城王釋

彭城王釋蓋代羊伊屯宛

征東大將軍劉準

劉準都督揚州

各勒所統與劉喬并力以張方爲大都督統精

卒十萬與呂朗共會許昌誅輿兄弟釋宣帝弟子穆王

權之孫也

權宣帝弟東武城侯廕之子傳釋作釋帝紀宗室傳皆作釋蓋喬傳誤帝

考異曰劉喬

紀八月車騎大將軍劉弘逐平南將軍彭城王釋于宛弘釋傳及衆書皆無之弘傳但云彭城前東奔有不善

之言按弘晉室純臣劉喬與范陽構難弘猶以書和解之以安天下尊王室釋受王命鎮宛而弘肯更自逐之乎據此詔令弘釋共討劉興疑無弘逐釋事帝紀必誤

丁丑顥使成都王穎領將

軍劉褒等前車騎將軍石超領北中郎將王闡等據河

橋爲劉喬繼援進喬鎮東將軍假節劉弘遺喬及司空

越書

遺于季翻

欲使之解怨釋兵同獎王室皆不聽弘又上

表曰自頃兵戈紛亂猜禍鋒生疑隙構於羣王災難延

于宗子

難乃旦翻

今日爲忠明日爲逆翩其反而

言是非反覆之易同

又穎顥之事誠如此

互爲戎首

言迭爲與戎之首也

載籍以來骨肉之禍未

有如今者也臣竊悲之今邊陲無備豫之儲中華有杼

軸之困

詩曰小東大東杼軸其空杼持緯器軸亦作軸皆織具也

而股肱之臣不惟

國體職競尋常

惟思也職主也競爭也八尺曰尋倍尋曰常言所爭者尋丈之間不足爲長短

也左傳曰爭尋常以盡其民

自相楚剝

楚痛也

萬一四夷乘虛爲變此

亦猛虎交鬪自效於下莊者矣

劉石之禍劉弘盡知之矣

臣以爲宜

速發明詔詔越等令兩釋猜嫌各保分局

分扶問翻

自今以

後其有不被詔書擅興兵馬者天下共伐之

被皮義翻下同

時

太宰顯方拒關東倚喬爲助不納其言喬乘虛襲許破

之劉琨將兵救許不及遂與兄輿及范陽王虓俱奔河

北琨父母爲喬所執劉弘以張方殘暴知顯必敗乃遣

參軍劉盤爲都護

盡護行營諸將爲都護督護則止督一軍耳

帥諸軍受司

空越節度

帥讀曰率

時天下大亂弘專督江漢威行南服

南服

南方也謂之服者責以服事天子爲職

謀事有成者則曰某人之功如有

負敗則曰老子之罪每有興發

興發謂興師動衆調發財賦

手書守

相

守手又翻相息亮翻

丁寧歛密所以人皆感悅爭赴之咸曰得

劉公一紙書賢於十部從事

州有部從事部管內諸郡

前廣漢太守

辛冉說弘以從橫之事弘怒斬之

益州之破辛冉去羅尚從劉弘冉以事尚

者事弘猶將不免於誅況以從橫說之
邪史言劉弘忠純說輸芮翻從子容翻

有星孛于北

斗

李蒲
內翻

平昌公模遣將軍宋曹趣河橋

模自鄴遣曹進兵趣七喻

翻

十一月立節將軍周權詐被檄

詐言被司空越檄也

自稱平

西將軍復立羊后洛陽令何喬攻權殺之復廢羊后

復扶

又翻

太宰顓矯詔以羊后屢爲姦人所立遣尚書田淑敕

留臺賜后死

時荀藩劉暉周馥居留臺

詔書屢至司隸校尉劉暉等

上奏

暉他昆翻上時掌翻

固執以爲羊庶人門戶殘破廢放空宮

門禁峻密無緣得與姦人構亂衆無愚智皆謂其寃今

殺一枯窮之人而令天下傷慘何益於治

治直史翻

顯怒遣

呂朗收瞰

考異曰瞰傳云顯遣陳顯呂朗帥騎五千收瞰按瞰匹夫安用五千騎蓋朗時在洛顯

敕使收瞰耳說者欲大其事故云爾瞰犇青州依高密王略然羊后亦以

是得免十二月呂朗等東屯滎陽成都王穎進據洛

陽劉琨說冀州刺史太原溫羨使讓位於范陽王虓

魏收曰袁紹曹操爲冀州治鄴魏晉治信都杜佑曰治房子說輸芮翻

虓領冀州遣琨詣

幽州乞師於王浚浚以突騎資之

突騎天下精兵燕人致衆騎助漢高祖以

破項羽光武得漁陽上谷突騎以平河北考異曰琨傳曰得突騎八百人按劉喬傳云琨率突騎五千濟河攻喬疑八百太少或因下文迎東海王之數致有此誤今闕疑擊王闡於河上殺之琨

遂與琨引兵濟河斬石超於滎陽劉喬自考城引退

考城

縣屬陳留郡前漢梁國之菑縣也章帝更名晉省後魏置考陽縣及北梁郡北齊郡縣並廢爲城安縣隋改曰考城縣屬梁郡至唐屬曹州琨遣琨及督護田徽東擊東平王琳於

廩丘

廩丘縣前漢屬東郡後漢屬濟陰晉屬濮陽郡爲兗州刺史治所賢曰廩丘故城在今濮州雷澤縣

北琳走還國琨徽引兵東迎越擊劉祐於譙祐敗死喬

衆遂潰喬奔平氏

考異曰帝紀云喬奔南陽按地理志南陽無平氏縣武帝分南陽置義

陽郡有西平氏縣或者南陽有東平氏而非縣與今

按前漢書地理志平氏縣屬南陽郡晉書地理志平氏

縣屬義陽郡平氏之上有厥西縣沈約宋書地理志南

義陽太守領厥西平氏二縣賢曰厥西今二漢無晉太

康地志屬義陽以此證之蓋後人傳寫晉書者誤以厥

西之西字聯平氏而書之其實晉義陽之平氏即漢南

陽之平氏也帝紀所謂喬奔南陽以漢古郡大界言之

也劉昫曰唐申州義陽縣漢南陽郡平氏縣之義陽鄉

與唐州之桐柏平氏二

縣皆漢南陽平氏縣地司空越進屯陽武陽武縣漢屬

榮陽郡唐

屬鄭州王浚遣其將祁弘帥突騎鮮卑烏桓爲越先

驅帥讀曰初陳敏既克石冰事見上卷自謂勇略無

率下同

敵有割據江東之志其父怒曰滅我門者必此兒也遂

以憂卒敏以喪去職司空越起敏爲右將軍前鋒都督

越爲劉祐所敗

敗補
通翻

敏請東歸收兵遂據歷陽叛

歷陽
縣漢

屬九江郡魏改九江曰淮南晉因之今和州即
歷陽縣之地宋白曰縣南有歷水故曰歷陽

吳王常

侍甘卓棄官東歸

晉諸王國大國置左右常侍各一人
考異曰卓傳云州舉茂才爲吳王

常侍討石冰以功賜爵都亭侯東海王越引爲參軍出
補離狐令棄官東歸遇陳敏敏傳云吳王常侍甘卓自
洛至按卓爲常侍不應討石冰
爲離狐令不應至洛今從敏傳至歷陽敏爲子景駿卓

女

爲于
偽翻

使卓假稱皇太弟令拜敏揚州刺史敏使弟恢

及別將錢端等南略江州弟斌東略諸郡

斌音
彬

揚州刺

史劉機丹陽太守王曠皆棄城走

時揚州刺史蓋與丹陽太守同治秣陵

敏遂據有江東以顧榮爲右將軍賀循爲丹陽內史周

玘爲安豐太守

安豐縣後漢屬廬江郡魏分廬江爲安豐郡其地爲唐之壽州安豐霍丘縣玘

墟里翻

凡江東豪傑名士咸加收禮爲將軍郡守者四十

餘人或老疾就加秩命循詐爲狂疾得免乃以榮領

丹陽內史玘亦稱疾不之郡敏疑諸名士終不爲已用

欲盡誅之榮說敏曰中國喪亂干戈四起觀今日之勢

不能復振百姓將無遺種

說翰芮翻喪息浪翻種章勇翻

江南雖經石

冰之亂人物尚全榮常憂無孫劉之主

孫劉謂孫權劉備

有以

存之今將軍神武不世勲效已著帶甲數萬舳艫山積

漢武帝紀舳艫千里注云舳船後持柁處艫船前刺櫂處又漢律名船方長爲舳艫此言山積蓋取漢律之義

若能委信君子使各盡懷散蒂芥之嫌

張晏曰蒂芥刺鯁也師古曰蒂

音丑介翻塞讒諂之口則上方數州可傳檄而定

上方數州謂揚州以

西荆江豫梁益等州也塞悉則翻

不然終不濟也敕命僚佐推已爲都

督江東諸軍事大司馬楚公加九錫列上尚書

上時稱掌翻

被中詔

被皮義翻

自江入沔漢奉迎鑾駕太宰顓以張光爲

順陽太守

順陽縣前漢曰博山後漢明帝更名順陽屬南陽郡至建安中割南陽右壤爲南鄉郡晉

太康中立順陽郡以南鄉爲縣唐鄧州之臨湍菊潭縣皆順陽郡地帥步騎五千詣荊州

討敏劉弘遣江夏太守陶侃武陵太守苗光屯夏口

夏戶

雅翻

又遣南平太守汝南應詹督水軍以繼之侃與敏同

郡

侃與敏皆廬江人

又同歲舉吏

同歲舉赴京師

隨郡內史扈懷

隨縣漢屬

南陽郡春秋之隨國也晉武帝分南陽立義陽郡後又分義陽立隨郡隋爲漢東郡唐爲隨州言於弘

曰侃居大郡統彊兵脫有異志則荊州無東門矣弘曰

侃之忠能吾得之已久必無是也侃聞之遣子洪及兄

子臻詣弘以自固弘引爲參軍資而遣之

既引爲參軍又以貨物資

送而遣其歸

曰賢叔征行君祖母年高便可歸也匹夫之交

尚不負心況大丈夫乎敏以陳恢爲荊州刺史寇武昌

弘加侃前鋒督護以禦之侃以運船爲戰艦

艦戶點翻

或以

爲不可侃曰用官船擊官賊何爲不可侃與恢戰屢破

之又與皮初張光苗光共破錢端於長岐

據張光傳長岐之戰光設

伏於步路苗光爲水軍藏舟船於沔水則長岐當在江夏郡界

南陽太守衛展說弘曰

張光太宰腹心公既與東海宜斬光以明向背

背蒲妹翻

弘

曰宰輔得失豈張光之罪危人自安君子弗爲也乃表

光殊勲乞加遷擢是歲離石大饑漢王淵徙屯黎亭

續漢志上黨郡壺關縣有黎亭書西伯戡黎即此

就邸閣穀留太尉宏守離石

使大司農卜豫運糧以給之

光熙元年

六月帝還洛陽始改元此猶是永興三年

春正月戊子朔日有食

之初太弟中庶子蘭陵繆播

繆靡幼翻又莫六翻姓也

有寵於司

空越播從弟右衛率肩太宰顥前妃之弟也越之起兵

遣播肩詣長安說顥令奉帝還洛

說輸芮翻下同說復說迎說同約與

顯分陝爲伯

陝失冉翻

顯素信重播兄弟即欲從之張方自

以罪重恐爲誅首

以剽掠洛都劫天子西遷也

謂顯曰今據形勝之

地國富兵彊奉天子以號令誰敢不從奈何拱手受制

於人顯乃止及劉喬敗顯懼欲罷兵與山東和解恐張

方不從猶豫未決方素與長安富人鄧輔親善以爲帳

下督

方傳云初方從山東來甚微賤鄧輔厚相供給及貴甚親昵之

顯參軍河間畢垣

嘗爲方所侮因說顯曰張方久屯霸上聞山東兵盛盤

桓不進

顯遣方與呂朗會劉喬攻許方屯霸上未進而劉喬敗馬融曰盤桓旋也

宜防其未

萌其親信郅輔具知其謀繆播繆胤復說顓宜急斬方

以謝山東可不勞而定

復扶又翻

顓使人召輔垣迎說輔曰

張方欲反人謂卿知之王若問卿何辭以對輔驚曰實

不聞方反爲之奈何垣曰王若問卿但言爾爾

爾爾猶言如此

如此也

不然必不免禍輔入顓問之曰張方反卿知之乎

輔曰爾顓曰遣卿取之可乎又曰爾顓於是使輔送書

於方因殺之輔既昵於方

昵尼質翻

持刀而入守閤者不疑

方火下發函輔斬其頭還報顓以輔爲安定太守送方

頭於越以請和越不許宋胄襲河橋樓褒西走平昌公

模遣前鋒督護馮嵩會宋胄逼洛陽成都王穎西奔長

安至華陰

華陰縣前漢屬京兆後漢晉屬弘農郡唐屬華州華戶化翻

聞顥已與山

東和親留不敢進呂朗屯滎陽劉琨以張方首示之遂

降

降戶江翻

司空越遣祁弘宋胄司馬纂帥鮮卑西迎車駕

帥讀曰率

以周馥爲司隸校尉假節都督諸軍屯澠池

澠池充翻

三月恠令劉伯根反

恠縣自漢以來屬東萊郡拓跋魏省魏收地形志東牟郡黃縣

有恠城師古曰恠音堅

衆以萬數自稱恠公王彌帥家僮從之

帥讀

曰伯根以彌爲長史彌從父弟桑爲東中郎將從才伯

根寇臨淄青州都督治所青州都督高密王略使劉暉將兵拒

之暉兵敗奔洛陽暉他略走保聊城聊城縣漢屬東郡晉屬平原郡唐爲

博州治所王浚遣將討伯根斬之將即亮翻王彌亡入長廣山爲

羣盜長廣縣前漢屬琅邪郡後漢屬東萊郡晉武帝咸寧三年置長廣郡長廣縣屬焉隋廢長廣郡及縣

更名膠水縣唐屬萊州寧州頻歲饑疫死者以十萬計五苓夷

彊盛州兵屢敗五苓夷反事始上卷太安二年苓力丁翻吏民流入交州者

甚衆夷遂圍州城李毅疾病救援路絕乃上疏上時掌翻言

不能式遏寇虐坐待殄斃若不垂矜恤乞降大使及臣

尚存加臣重辟

使疏吏翻
辟毗亦翻

若臣已死陳尸爲戮朝廷不

報積數年子釗自洛往省之

省悉
景翻

未至毅卒毅女秀明

達有父風衆推秀領寧州事秀獎勵戰士嬰城固守城

中糧盡炙鼠拔草而食之伺圍稍怠輒出兵掩擊破之

伺相吏翻

考異曰懷帝紀永嘉元年五月建寧郡夷

攻陷寧州死者三千餘人李雄載記曰南夷李毅固守

不降雄誘建寧夷使討之毅病卒城陷毅壯士三千餘

人送婦女千口於成都王遜傳云李毅卒城中奉毅女

固守經年華陽國志有毅卒

范長生詣成都

自青城
山詣成

年月及女秀守城事今從之

都也成都王雄門迎執板拜爲丞相尊之曰范賢 夏四

月己巳司空越引兵屯溫初太宰顓以爲張方死東方

兵必可解既而東方兵聞方死爭入關顓悔之乃斬郅

輔遣弘農太守彭隨北地太守刁默將兵拒和弘等於

湖五月壬辰弘等擊隨默大破之遂西入關又敗顓將

馬瞻郭偉於霸水敗補顓單馬逃入太白山三秦記太白山在武

功縣南去長安三百里俗云武功太白去天三百新唐書地理志太白山在鳳翔府郿縣弘等入長

安所部鮮卑大掠殺二萬餘人百官奔散入山中拾橡

實食之

橡以兩翻棚實也爾雅曰柞實謂之橡賢曰橡櫟食也

己亥弘等奉帝乘

牛車東還

晉志曰古之貴者不乘牛車漢武帝推恩之後諸侯寡弱至乘牛車其後稍見貴重自靈

帝以來天子至士遂以爲常乘夫天子出入有大駕法駕鹵簿帝自鄴奔洛則乘轎車自長安還洛則乘牛車無復出警入以太弟太保梁柳爲鎮西將軍守關中六

月丙辰朔帝至洛陽復羊后

考異曰后傳曰張方首至洛陽即日復后位按方

傳首已久不至今日今從帝紀

辛未大赦改元

改元光熙

馬瞻等入長安

殺梁柳與始平太守梁邁共迎太宰顥於南山

武帝泰始二年

分扶風置始平郡領槐里始平武功剡蒯城等縣南山即太白山中南太白本一山也

弘農太守

裴廙

廙字至翻又逸職翻

秦國內史賈龕安定太守賈疋等起兵

擊顓斬馬瞻梁邁疋謂之曾孫也

帝即位改扶風爲秦國以封秦王東龕苦

舍翻疋音雅賈謂生於漢末始從李傕郭汜中從張繡後歸魏

司空越遣督護麋晃將

兵擊顓

考異曰韋秀傳云顓密遣使詣東海王越求迎越遣將麋晃等迎顓今從顓傳

至鄭

顓使平北將軍牽秀屯馮翊顓長史楊騰詐稱顓命使

秀罷兵騰遂殺秀關中皆服於越顓保城而已

顓僅保長安城

成都王雄即皇帝位

雄字仲萬特第三子

大赦改元曰晏平國

號大成

考異曰晉帝紀三十國晉春秋皆云永興二年六月雄即帝位華陽國志光熙元年雄即帝

位後魏書序紀及李雄傳皆云昭帝十二年雄稱帝即位
光熙元年也十六國春秋鈔晏平元年六月雄即帝位
十六國春秋目錄雄年號建興二晏平五與華陽國志
同今從之諸書雄改元晏平無大武年號惟晉載記改
元大武無晏平年號按雄國號大成魏書雄傳云雄稱
帝號大成改元晏平故三十國春秋誤云改元大成載
記轉寫誤爲大武今從諸書去大武之號

追尊父特曰景皇帝廟號始祖尊

王太后曰皇太后

雄母羅氏尊爲王太后見上卷永興元年

以范長生爲天

地太師

太師乃有天地之號侯景未足多怪也羣盜私立名字以相署置可勝言哉考異曰華陽國

志尊長生曰四時八節天地太師今從晉載記

復其部曲皆不豫征税

復方諸目翻

將恃恩互爭班位

將即亮翻

尚書令閻式上疏請考漢晉故

事立百官制度從之 秋七月乙酉朔日有食之 八

月以司空越爲太傅錄尚書事范陽王虢爲司空鎮鄴

考異曰虢傳爲司徒今從帝紀

平昌公模爲鎮東大將軍鎮許昌王浚

爲驃騎大將軍都督東夷河北諸軍事領幽州刺史

浚恃

鮮卑烏桓以爲羽翼故使并督東夷諸軍驃匹妙翻

越以吏部郎庾敳爲軍諮祭

酒

敳魚開翻漢魏之間兵興始置軍諮祭酒

前太弟中庶子胡毋輔之爲從

事中郎黃門侍郎郭象爲主簿鴻臚丞阮修爲行參軍

臚陵如翻晉列卿各置丞行參軍在參軍事之下沈約志晉太傅司馬趙府有行參軍兼行參軍後加長兼字

除拜則爲參軍事府板則爲行參
軍行參軍始於蜀丞相諸葛亮府
謝鯤爲掾掾以輔之

薦樂安光逸於越

姓譜光姓燕人田光之後秦末子孫避地因以爲氏

越亦辟之

數等皆尚虛玄不以世務嬰心縱酒放誕數殖貨無厭

厭於鹽翻

象薄行好招權越皆以其名重於世故辟之

史言越所

辟置來虛名而無實用行下孟翻好呼到翻

祁弘之入關也成都王穎自

武關奔新野

新野縣漢屬南陽郡晉屬義陽郡

會新城元公劉弘卒司

馬郭勣作亂欲迎穎爲主郭舒奉弘子璠以討勣斬之

璠字秉翻勣莫敗翻

詔南中郎將劉陶收穎穎北渡河犇朝歌收

故將士得數百人欲赴公師藩頓丘太守馮嵩執之送

鄴

頓丘縣漢屬東郡武帝泰始元年分置郡

范陽王虓不忍殺而幽之公師

藩自白馬南渡河

白馬縣漢屬東郡晉屬濮陽國唐爲滑州治所

兗州刺史苟

晞討斬之

進東嬴公騰爵爲東燕王

燕於賢翻

平昌公模

爲南陽王

冬十月范陽王虓薨長史劉輿以穎素爲

鄴人所附祕不發喪僞令人爲臺使稱詔夜賜穎死

使疏

吏翻并殺其二子穎官屬先皆逃散惟盧志隨從至死不

怠收而殯之

從才用翻

太傅越召志爲軍諮祭酒越將召劉

輿或曰輿猶臍也近則汚人

臍女利翻皮膚之垢其肥滑者爲臍汚烏故翻

及

至越疎之輿密視天下兵簿及倉庫牛馬器械水陸之

形皆默識之

識音志記也

時軍國多事每會議自長史潘滔

以下莫知所對輿應機辯畫

辯者辯析事宜畫者爲之區畫也

越傾膝

酬接即以爲左長史軍國之務悉以委之輿說越遣其

弟琨鎮并州以爲北面之重

說輪芮翻

越表琨爲并州刺史

以東燕王騰爲車騎將軍都督鄴城諸軍事鎮鄴十

一月己巳夜帝食餅中毒

餅必邱翻越餐也釋名餅并也浸越使合并也蒸越湯越

之屬隨形而名食麴中毒
或云越鵠之也中竹仲翻

庚午崩于顯陽殿

年四十八

羊后

自以於太弟熾爲嫂恐不得爲太后將立清河王覃侍

中華混諫曰太弟在東宮已久

熾立爲皇太弟見上卷永興元年華戶化翻

民望素定今日寧可易乎即露板馳召太傅越召太弟

入宮后已召覃至尚書閤疑變託疾而返癸酉太弟即

皇帝位大赦尊皇后曰惠皇后居弘訓宮追尊母王才

人曰皇太后立妃梁氏爲皇后懷帝始遵舊制於東堂

聽政

東堂太極殿東堂也

每至宴會輒與羣官論衆務考經籍黃

門侍郎傳宣歎曰今日復見武帝之世矣

復扶又翻

十二

月壬午朔日有食之太傅越以詔書徵河間王顥爲

司徒顥乃就徵南陽王模遣其將梁臣邀之於新安車

上扼殺之并殺其三子

模越之弟也意謂殺顥父子則兄弟身安而無患矣而不知石

勒趙染之禍已伏於冥冥之中矣新安縣漢屬弘農郡晉屬河南郡考異曰三十國晉春秋云東海王越殺

顥今從顥傳

辛丑以中書監溫羨爲左光祿大夫領司徒

尚書左僕射王衍爲司空己酉葬惠帝于太陽陵

劉琨至上黨東燕王騰即自井陘東下時并州饑饉數

爲番騎所掠

番騎謂劉淵之黨也數所角翻

郡縣莫能自保州將田甄

甄弟蘭任社祁濟李惲薄盛等

州將謂并州諸將也將即亮翻甄稽延翻任音

壬惲於粉翻

及吏民萬餘人悉隨騰就穀冀州號爲乞活所

餘之戶不滿二萬寇賊縱橫道路斷塞

縱于容翻塞悉則翻

琨募

兵上黨得五百人轉鬪而前至晉陽府寺焚毀

府寺府舍也

邑野蕭條

聚居城市爲邑散居在外爲野

琨撫循勞徠流民稍集

稍力到翻

徠力代翻

孝懷皇帝上

諱熾字豐度武帝第二十五子也謚法慈仁短折曰懷

永嘉元年春正月癸丑大赦改元 吏部郎周穆太傅

越之姑子也與其妹夫御史中丞諸葛玫玫謨說越曰

主上之爲太弟張方意也成都王穎之廢河間王顥立帝爲皇太弟故以爲張方之

意清河王本太子清河王齊王冏立爲太子經廢者數矣公宜立之越不

許重言之重直用翻越怒斬之 二月王彌寇青徐二州自

稱征東大將軍攻殺二千石太傅越以公車令東萊鞠

羨爲本郡太守晉志公車令屬衛尉以討彌彌擊殺之 陳敏刑

政無章不爲英俊所附子弟凶暴所在爲患顧榮周玘

等憂之廬江內史華譚遺榮等書曰陳敏盜據吳會命

危朝露

言若朝露之棲草上見日即晞不得久也華戶化翻遺于季翻

諸君或剖符名

郡或列爲近臣而更辱身姦人之朝

朝直遙翻下同

降節叛逆

之黨不亦羞乎吳武烈父子皆以英傑之才繼承大業

吳謚孫堅曰武烈皇帝

今以陳敏凶狡七弟頑穴欲躡桓王之高

蹤蹈大皇之絕軌

孫策追謚長沙桓王孫權謚大皇帝穴而隴翻躡尼輒翻

遠度諸

賢猶當未許也

度徒洛翻

皇輿東返

謂自長安還洛陽也

俊彥盈朝

才過

千人曰俊彥美士也

將舉六師以清建業諸賢何顏復見中州之

士邪

復扶又翻

榮等素有圖敏之心及得書甚慙密遣使報

征東大將軍劉準

使疏吏翻

使發兵臨江已爲內應剪髮爲

信準遣揚州刺史劉機等出歷陽討敏敏使其弟廣武

將軍昶將兵數萬屯烏江

沈約志廣武將軍晉江左置蓋始於此時晉置烏江縣屬

淮南郡即烏江亭長艤船待項羽之地以名縣宋白曰烏江縣漢東城縣地晉太康六年始於東城界置烏江

縣昶丑兩翻

歷陽太守宏屯牛渚敏弟處知顧榮等有貳心

勸敏殺之敏不從

考異曰敏傳云弟昶勸殺榮按晉春秋敏臨死謂處曰我負卿時昶已

先死今從晉春秋

昶司馬錢廣周玘同郡人也玘密使廣殺昶

宣言州下已殺敏

揚州刺史治建業故謂建業爲州下

敢動者誅三族廣

勒兵朱雀橋南

朱雀橋在吳建業宮城之南跨秦淮水世傳晉孝武建朱雀門上有兩銅雀故

橋亦以此得名余謂朱雀橋自吳以來有之蓋取前朱雀之義非晉孝武之時始有此名也朱雀橋亦曰大桁

敏遣甘卓討廣堅甲精兵悉委之顧榮慮敏之疑故往

就敏敏曰卿當四出鎮衛

謂鎮安人心乃所以衛敏也

豈得就我邪

榮乃出與周玘共說甘卓曰

說輸芮翻

若江東之事可濟當

共成之然卿觀茲事勢當有濟理不

不讀

敏既常才政

令反覆計無所定其子弟各已驕矜其敗必矣而吾等

安然坐受其官祿事敗之日使江西諸軍函首送洛

江西

諸軍謂劉準所遣臨江者也

題曰逆賊顧榮甘卓之首此萬世之辱

也卓遂詐稱疾迎女斷橋收船南岼

橋即朱穴橋也建業城在秦淮水北

故卓收船傍南岸斷丁管翻

與玕榮及前松滋侯相丹陽紀瞻共攻

敏

松滋縣屬廬江郡後漢省晉屬安豐郡劉昫曰唐壽州霍山縣漢松滋縣地今江陵府松滋縣乃是吳樂

鄉之地晉氏南渡後以松滋流民僑立松滋縣非古松滋也

敏自帥萬餘人討卓軍

人隔水語敏衆曰本所以戮力陳公者正以顧丹陽周

安豐耳

敏以顧榮爲丹陽太守周玕爲安豐太守故以稱之帥讀曰率語牛倨翻

今皆異矣

汝等何爲敏衆狐疑未決榮以白羽扇揮之

白羽扇編
白羽爲之

衆皆潰去敏單騎北走

騎奇
寄翻

追獲之於江乘歎曰諸人

誤我以至今日謂弟處曰我負卿卿不負我

謂不用處
言殺顧榮

等也遂斬敏於建業夷三族於是會稽等郡盡殺敏諸弟

會工
外翻

時平東將軍周馥代劉準鎮壽春三月己未朔馥

傳敏首至京師詔徵顧榮爲侍中紀瞻爲尚書郎太傅

越辟周玘爲參軍陸玩爲掾玩機之從弟也

掾以綃翻
從才用翻

榮等至徐州聞北方愈亂疑不進越與徐州刺史裴盾

書曰若榮等顧望以軍禮發遣榮等懼逃歸盾楷之兄

子越妃兄也

楊正衡曰盾徒指翻

西陽夷寇江夏

西陽縣春秋弦子之國漢

爲縣屬江夏郡晉屬弋陽郡漢和帝永元末巫蠻反討降之徙置江夏西陽諸蠻是也沈約曰晉惠帝分弋陽爲西陽國劉昫曰吳分江夏置蘄春郡晉改爲西陽郡唐蘄州即其地宋白曰光州光山縣本漢西陽縣夏戶

雅翻太守楊珉請督將議之諸將爭獻方略騎督朱伺獨

不言

將即亮翻騎奇寄翻伺相吏翻

珉曰朱將軍何以不言伺曰諸人

以舌擊賊伺惟以力耳珉又問將軍前後擊賊何以常

勝伺曰兩敵共對惟當忍之彼不能忍我能忍是以勝

耳珉善之

凡戰非有智巧以出奇取勝而以力角力者莫過於朱向之說矣

詔追復

楊太后尊號丁卯改葬之謚曰武悼

楊后遇禍見八十二卷惠帝元康元

年

庚午立清河王覃弟豫章王詮爲皇太子

詮且緣翻辛

未大赦帝親覽大政留心庶事太傅越不悅固求出

藩庚辰越出鎮許昌

爲越殺繆播等張本

以高密王略爲征南

大將軍都督荊州諸軍事鎮襄陽南陽王模爲征西大

將軍都督秦雍梁益諸軍事鎮長安東燕王騰爲新蔡

王都督司冀二州諸軍事仍鎮鄴

去年騰自并州徙鎮鄴

公師

藩既死汲桑逃還苑中

荏平牧苑也桑於此起
兵赴公師藩藩死逃還

更聚衆

劫掠郡縣自稱大將軍聲言爲成都王報仇

爲于偽翻
下燕爲同

以石勒爲前驅所向輒克署勒討虜將軍遂進攻鄴時

鄴中府庫空竭而新蔡武哀王騰資用甚饒騰性吝嗇

無所振惠臨急乃賜將士米各數升帛各丈尺以是人

不爲用夏五月桑大破魏郡太守馮嵩長驅入鄴騰輕

騎出犇爲桑將李豐所殺桑出成都王穎棺

穎之死也
盧志收殮

之今桑出
而載之

載之車中每事啟而後行遂燒鄴宮火旬日

不滅

袁紹據鄴始營宮室觀武帝又增而廣之至是悉爲灰燼矣

殺士民萬餘人大

掠而去濟自延津南擊兗州太傅越大懼使荀晞及將

軍王讚討之

秦州流民鄧定荀氏等據成固

楊正衡曰荀呼

宏翻余謂荀姓氏名

寇掠漢中梁州刺史張殷遣巴西太守張燕

討之鄧定等饑窘詐降於燕且賂之燕爲之緩師

窘渠隕翻

降戶江翻爲于偽翻

定密遣荀氏求救於成成主雄遣太尉離司

徒雲司空璜將兵二萬救定與燕戰大破之張殷及漢

中太守杜孟治棄城走積十餘日離等引還盡徙漢中

民於蜀漢中人句方白落帥吏民還守南鄭

句古侯翻姓也梁州

刺史漢中太守俱治南鄭杜佑曰漢漢中郡故城在唐梁州南鄭縣東北

石勒與苟晞等

相持於平原陽平間數月大小三十餘戰互有勝負秋

七月己酉朔太傅越屯官渡爲晞聲援 己未以琅邪

王睿爲安東將軍都督揚州江南諸軍事假節鎮建業

時周馥鎮壽春督揚州之江北故睿督揚州之江南考異曰元帝紀曰東海王越之收兵下邳帝都督揚

州越西迎大駕留帝居守永嘉初用王導計始鎮建業按既都督揚州不當猶鎮下邳又懷帝紀明言七月己

未睿都督揚州鎮建業今從之

八月己卯朔苟晞擊汲桑於東武陽

東武陽縣漢屬東郡魏晉屬陽平郡後魏去東字爲武陽縣唐貞觀初廢武陽入魏州莘縣開元十年復置改爲朝城縣杜佑曰魏郡

大破之桑退保清淵

清淵縣漢屬魏郡應

劭曰清河在縣西北晉屬陽平郡後魏分置臨清縣後齊廢臨清縣入清淵唐避高祖諱改清淵爲臨清屬貝

州分荊州江州八郡爲湘州

晉志帝分荊州之衡陽長沙湘東零陵邵陽桂陽及

廣州之始安始興臨賀九郡置湘州帝紀曰分荊江八郡爲湘州紀志自相抵牾此從紀沈約亦曰分荊州之長沙衡陽湘東邵陵零陵營陽

建昌江州之桂陽八郡立湘州

九月戊申琅邪王睿

至建業睿以安東司馬王導爲謀主推心親信每事咨

焉睿名論素輕吳人不附居久之士大夫莫有至者導

患之會睿出觀禊導使睿乘肩輿具威儀

禊胡計翻祓除不祥也漢

儀季春上巳官及百姓皆禊於東流水上應劭風俗通曰按周禮女巫巫掌歲時以祓除疾病禊者潔也於水上

盥潔之也肩舉平肩舉

也人以肩舉之而行

導與諸名勝皆騎從

騎奇寄翻從才用翻

紀瞻顧榮等見之驚異相帥拜於道左

帥讀曰率

導因說睿

曰顧榮賀循此土之望宜引之以結人心二子既至則

無不來矣睿乃使導躬造循榮二人皆應命而至

說翰芮翻

造七到朝

考異曰導傳曰元帝鎮建業居月餘士庶

莫有至者會從兄敦來朝導謂之曰琅邪王仁德雖厚

而名論猶輕兄威風已振宜有以匡濟者會三月上巳

帝觀禊敦導皆騎從王敦傳東海王越誅繆播後乃以

敦爲揚州刺史其後徵拜尚書不就周玘傳錢璿聞劉聰逼洛陽不敢進乃謀反時王敦遣尚書與璿俱西欲殺敦敦奔告元帝懷帝紀永嘉元年七月琅邪王睿鎮建業三年三月殺繆播四年二月錢璿反是時睿在建業已三年矣安得言月餘又睿名論雖輕安有爲都督數年而士庶莫有至者陳敏得江東猶首用周顧以收人望導爲睿佐豈得待數年然後薦之乎然則導傳所云難以盡信今刪去導語及敦名而已

吳國內史榮爲軍司

軍司馬也

加散騎常侍

職爲軍司馬也

凡

軍府政事皆與之謀議又以紀瞻爲軍祭酒卞壹爲從

事中郎

壹苦本翻

周玘爲倉曹屬琅邪劉超爲舍人

晉諸王國有謁

者四人中大夫六人舍人十人

張闓及魯國孔衍爲參軍

闓可亥翻又音開

壺

粹之子

子粹見上卷惠帝太安二年

閼昭之曾孫也

張昭輔吳爲元臣

王導

說睿謙以接士儉以足用以清靜爲政撫綏新舊

新謂自中

原來者舊謂江東人說輸芮翻

故江東歸心焉睿初至頗以酒廢事導

以爲言睿命酌引觴覆之於此遂絕

史言元帝能用王導所以興於江左

苟晞追擊汲桑破其八壘死者萬餘人桑與石勒收

餘衆將奔漢冀州刺史譙國丁紹邀之於赤橋又破之

桑奔馬牧

在平馬牧也

勒奔樂平

晉志陽平郡有樂平縣前漢東郡之清縣也後漢章

帝改曰樂平但石勒欲奔漢則非此樂平也又并州有樂平郡武帝泰始中置唐之遼州也勒奔于此

太

傳越還許昌加苟晞撫軍將軍都督青兗諸軍事丁紹

寧北將軍監冀州諸軍事皆假節晞屢破彊寇威名甚

盛善治繁劇

治直之翻

用法嚴峻其從母依之晞奉養甚厚

從母子求爲將晞不許曰吾不以王濬貸人

從才用翻將子亮翻

貸他代翻

將無後悔邪固求之晞乃以爲督護後犯濬晞杖

節斬之從母叩頭救之不聽既而素服哭之曰殺卿者

兗州刺史哭弟者苟道將也

苟晞字道將

番部大張匍督

馮莫突等

番人一部之長呼爲部大楊正衡曰匍音背

擁衆數千壁于上黨

石勒往從之因說匄督等曰劉單于舉兵擊晉

劉單于謂劉淵

也說輸芮

部大拒而不從自度終能獨立乎

度徒洛翻

曰不

翻單音蟬

能勒曰然則安可不早有所屬今部落皆已受單于賞

募往往聚議欲叛部大而歸單于矣匄督等以爲然冬

十月匄督等隨勒單騎歸漢

騎奇寄翻

漢王淵署匄督爲親

漢王莫突爲都督部大以勒爲輔漢將軍平晉王以統之烏桓張伏利度有衆二千壁于樂平淵屢招不能致勒僞獲罪於淵往犇伏利度伏利度喜結爲兄弟使勒

帥諸部四掠

帥讀曰率下同

所向無前諸部畏服勒知衆心之

附已乃因會執伏利度謂諸部曰今起大事我與伏利

度誰堪爲主諸部咸推勒勒於是釋伏利度帥其衆歸

漢淵加勒督山東征討諸軍事以伏利度之衆配之

史言

石勒之衆浸盛

十一月戊申朔日有食之

甲寅以尚書右

僕射和郁爲征北將軍鎮鄴乙亥以王衍爲司徒衍

說太傅越曰

說翰芮翻下同

朝廷危亂當賴方伯宜得文武兼

資以任之乃以弟澄爲荊州都督族弟敦爲青州刺史

考異曰晉春秋王衍言於太傅越以王澄爲荊州敦爲揚州據吳楚以爲形援越從之於是澄敦同發越錢之數傳自青州入爲中書監東海王越誅繆播後始出爲揚州播死在永嘉三年三月此年越在許昌不在洛故以晉書爲定語之曰荊州有江漢之固青州有負海之險卿

二人在外而吾居中足以爲三窟矣

戰國策馮煖謂孟嘗君曰狡兔有三

窟虛得免其死耳其後敦澄自相魚肉衍亦死於石勒三窟安在哉是以忠臣國爾忘家蓋國安則家亦安矣

陸佃埤雅曰俗云兔營窟必背立相通所謂狡兔三窟語牛倂翻

澄至鎮以郭舒爲別

駕委以府事澄日夜縱酒不親庶務雖寇戎交急不以爲懷舒常切諫以爲宜愛民養兵保全州境澄不從

爲王

澄不能保
荊州張本

十二月戊寅乞活田甄田蘭薄盛等起兵

為新蔡王騰報讎斬汲桑于樂陵

樂陵縣漢屬平原郡
晉分為樂陵國唐為

縣宋白曰棣州陽信縣魏屬樂陵國
晉斬汲桑於此屬滄州為于偽翻

棄成都王穎棺於

故井中穎故臣收葬之

甲午以前太傅劉寔為太尉

寔以老固辭不許庚子以光祿大夫高光為尚書令

前北軍中候呂雍度支校尉陳顏等

度支校尉蓋當時
所置以督漕運者

也度徒
洛翻

謀立清河王覃為太子事覺太傅越矯詔囚覃

於金墉城

初太傅越與荀晞親善引升堂結為兄弟

司馬潘滔說越曰兗州衝要魏武以之創業

事見六十一卷

卷

苟晞有大志非純臣也久令處之則患生心腹矣

處

呂

若遷于青州厚其名號晞必悅公自牧兗州經緯諸

夏藩衛本朝此所謂爲之於未亂者也

老子曰其安易持其未兆易謀

其脆易破其微易散爲之於未有治之於未亂緯于貴翻夏戶雅翻朝直逼翻

越以爲然癸卯

越自爲丞相領兗州牧都督兗豫司冀幽并諸軍事

杜佑

曰晉司徒與丞相通職更置迭廢未嘗並立至永嘉元年始兩置焉王衍爲司徒東海王越爲丞相以晞

爲征東大將軍開府儀同三司加侍中假節都督青州

諸軍事領青州刺史封東平郡公越晞由是有隙

晞爲後
馳

機罪狀
越張本

晞至青州以嚴刻立威日行斬戮州人謂之屠

伯

鄧展曰言殺人若屠
兒之殺六畜伯長也

頓丘太守魏植爲流民所逼衆

五六萬大掠兗州晞出屯無鹽以討之

無鹽縣屬東平
國唐屬濟州界

以弟純領青州刑殺更甚於晞晞討植破之初陽平劉

靈少貧賤

少詩
照翻

力制犇牛走及犇馬時人雖異之莫能

舉也靈撫膺歎曰

膺臂
也

天乎何當亂也及公師藩起靈

自稱將軍寇掠趙魏會王彌爲苟純所敗靈亦爲王讚

所敗遂俱遣使降漢

敗補邁翻洛陽敗於七里澗

考異曰彌傳曰彌逼

謀歸漢按十六國春秋靈爲王讚所逐彌爲苟純所敗乃謀降漢今年春靈已在淵所五月彌乃如平陽然則

二人先降漢已久矣彌傳誤也

漢拜彌鎮東大將軍青徐二州牧都督

緣海諸軍事封東萊公以靈爲平北將軍 李釗至寧

州

光熙元年李穀卒釗今乃至寧州釗音昭

州人奉釗領州事治中毛孟詣

京師求刺史屢上奏不見省

上時掌翻省悉景翻

孟曰君止親喪

幽閉窮城

謂李穀已死寧州受圍不解也喪息浪翻

萬里訴哀精誠無感生

不如死欲自刎

刎扶翻

朝廷憐之以魏興太守王遜爲寧

州刺史

考異曰華陽國志以廣漢太守王邈爲寧州按時廣漢已爲李雄所陷今從通傳仍詔

交州出兵救李釗交州刺史吾彥遣其子咨將兵救之

將即亮翻

慕容廆自稱鮮卑大單于

廆乎罪翻

拓跋祿官卒

弟猗盧總攝三部與廆通好

祿官分國爲三部事見上八十二卷惠帝元康五年

好呼到翻

二年春正月丙午朔日有食之

考異曰帝紀天文志云丙子朔誤今從長歷

丁未大赦 漢王淵遣撫軍將軍聰等十將南據太

行

行剛翻

輔漢將軍石勒等十將東下趙魏

勒

考異曰石勒載記曰元

海使劉聰攻壺關命勒帥所統七千爲前鋒都督劉琨
遣護軍黃秀等救壺關勒敗秀於白田殺之遂陷壺關
事在明年今從
十六國春秋
二月辛卯太傅越殺清河王覃 庚

子石勒寇常山王浚擊破之 涼州刺史張軌病風口

不能言使其子茂攝州事隴西內史晉昌張越涼州大

族惠帝分燉煌酒泉置晉昌郡杜佑曰晉昌漢安縣地欲逐軌而代之與其兄

酒泉太守鎮及西平太守曹祛祛立於翻考異曰晉春秋作曹祗今從張軌

傳謀遣使詣長安使疏告南陽王模稱軌廢疾請以秦

州刺史賈龕代之龕將受之其兄讓龕曰張涼州一時

名士威著西州汝何德以代之龔乃止

龔口舍翻

鎮祛上疏

更請刺史未報遂移檄廢軌以軍司杜耽攝州事使耽

表越爲刺史軌下教欲避位歸老宜陽

軌少隱於宜陽女几山故下教

欲歸老於宜陽

長史王融參軍孟暢蹋折鎮檄

蹋徒臘翻折而設翻

排閤

入言曰晉室多故明公撫寧西夏

此西夏謂河西之地夏戶雅翻

張鎮

兄弟敢肆凶逆當鳴鼓誅之遂出戒嚴會軌長子寔自

京師還乃以寔爲中督護將兵討鎮遣鎮甥太府主簿

令狐亞

按張軌傳有太府司馬主簿又有少府主簿蓋以都督府爲太府凉州府爲少府也

先往

說鎮爲陳利害

說輸芮翻爲于僞翻

鎮流涕曰人誤我乃詣寔歸

罪寔南擊曹祛走之朝廷得鎮祛疏以侍中袁瑜爲涼

州刺史治中楊澹馳詣長安

考異曰晉春秋作張澹今從張軌傳澹從覽翻又徒

濫翻割耳盤上訴軌之被誣

被皮義翻

南陽王模表請停瑜武

威太守張璠亦上表留軌

字林璠他珍翻

詔依模所表且命誅

曹祛軌於是命寔帥步騎三萬討祛斬之

帥讀曰率下同

張越

奔鄯涼州乃定

三月太傅越自許昌徙鎮鄯城

鄯音絹

王彌收集亡散兵復大振

復扶又翻

分遣諸將攻掠青徐

兗豫四州所過攻陷郡縣多殺守令有衆數萬苟晞與
之連戰不能克夏四月丁亥彌入許昌太傅越遣司馬
王斌帥甲士五千人入衛京師張軌亦遣督護北宮純
將兵衛京師五月彌入自轅轅輓音環敗官軍于伊北伊水

之北也敗必
蓋翻下同

京師大震宮城門晝閉壬戌彌至洛陽屯

于津陽門

津陽門洛陽城南
面東頭第二門

詔以王衍都督征討諸軍

事北宮純募勇士百餘人突陳

陳讀
曰陣

彌兵大敗乙丑彌

燒建春門而東衍遣左衛將軍王秉追之戰于七里澗

又敗之彌走渡河與王桑自軹關如平陽

軹關在河內軹縣軹音只

漢王淵遣侍中兼御史大夫郊迎令曰孤親行將軍之

館

行下孟翻

拂席洗爵敬待將軍及至拜司隸校尉加侍中

特進以桑爲散騎侍郎

北宮純等與漢劉聰戰於河

東敗之詔封張軌西平郡公軌辭不受時州郡之使莫

有至者軌獨遣使貢獻歲時不絕

使疏史翻

秋七月甲辰

漢王淵寇平陽太守宋抽棄郡走河東太守路述戰死

淵徙都蒲子

蒲子縣即晉公子重耳所居蒲城也漢屬河東郡晉屬平陽郡劉昫曰唐隰州治隰

川縣漢蒲子縣地杜佑曰隰州隰川蒲縣漢蒲子縣地
考異曰劉琨答太傅府書曰潛遣使驛離間其部落
淵遂怖懼南奔蒲子諸部歸降萬有餘落琨傳亦然按
時淵強琨弱豈因畏琨而徙都蓋琨爲自大之辭史因
承以爲

上郡鮮卑陸逐延氏酋單徵並降於漢

酋慈由
翻單上

實耳
演翻降戶江翻
考異曰戴記作氏酋大單于徵按當
時戎狄酋長皆謂之大徵即光文單后之父于衍字也

八月丁亥太傅越自鄆城徙屯濮陽

濮陽衛城漢屬
東郡晉初分置

濮陽國唐鄆城濮陽二縣
皆屬濮州鄆音絹濮音卜

未幾又徙屯滎陽

幾居
豈翻

九

月漢王彌石勒寇鄴和郁棄城走詔豫州刺史裴憲屯

白馬以拒彌車騎將軍王堪屯東燕以拒勒

漢東郡燕
縣古南燕

國晉省而故城猶在曰東燕城後魏立東燕縣屬陳
留郡劉昫曰唐滑州昨城縣漢南燕縣燕於賢翻 平

北將軍曹武屯大陽以備蒲子

大陽縣屬河東郡地理志曰北號也應邵曰在

大河之陽唐併入陝州河北縣界

憲楷之子也

裴楷仕武帝惠帝時

冬十月甲

戌漢王淵即皇帝位大赦改元永鳳十一月以其子和

爲大將軍聰爲車騎大將軍族子曜爲龍驤大將軍

驤思

將翻

壬寅并州刺史劉琨使上黨太守劉惔帥鮮卑攻

壺關

杜佑曰唐潞州治上黨漢壺關縣後魏移壺關縣當羊腸阪羊頭之阨帥讀曰率下同

漢鎮

東將軍慕容母達戰敗亡歸

丙午漢都督中外諸軍事

領丞相右賢王宣卒 石勒劉靈帥衆三萬寇魏郡汲

郡頓丘

汲縣漢屬河內郡武帝泰始二年分置汲郡唐之衛州即其地

百姓望風降附

者五十餘壘

降戶江翻

皆假壘主將軍都尉印綬

綬音受

簡其

彊壯五萬爲軍士老弱安堵如故已酉勒執魏郡太守

王粹于三臺殺之

三臺注見後八十卷永嘉六年

十二月辛未朔

大赦 乙亥漢主淵以大將軍和爲大司馬封梁王尚

書令歡樂爲大司徒封陳留王

樂音洛

后父御史大夫呼

延翼爲大司空封鴈門郡公宗室以親疏悉封郡縣王

異姓以功伐悉封郡縣公侯

成尚書令楊褒卒

異曰考

載記云丞相楊褒今從晉春秋

褒好直言

好呼到翻

成主雄初得蜀用度不

足諸將有以獻金銀得官者褒諫曰陛下設官爵當網

羅天下英豪何有以官買金邪雄謝之雄嘗醉推中書

令杖太官令褒進曰天子穆穆諸侯皇皇

禮記曲禮之言

安有

天子而爲醜也

陸德明曰醜況具翻以酒爲醜曰醜

雄慙而止

成平寇

將軍李鳳屯晉壽

葭萌縣漢屬廣漢郡蜀改爲漢壽縣屬梓潼郡晉又改漢壽曰晉壽

屢

寇漢中漢中民東走荆沔

沔水自梁州入荆州界爲荆沔

詔以張光爲

梁州刺史荊州寇盜不禁詔起劉璠爲順陽內史江漢
間翕然歸之

璠父弘之喪未終起之於苦塊荊州之
民懷其父故翕然歸其子璠扶元翻

資治通鑑卷八十六

資治通鑑卷八十七

宋 司馬光 撰

胡三省 音註

晉紀九

起居維大荒落盡重光協洽凡二年

孝懷皇帝中

永嘉三年春正月辛丑朔熒惑犯紫微

紫微即紫宮也

漢太史

令宣于修之

考異曰晉春秋作鮮于修之今從載記十六國春秋余按姓氏諸書有鮮于而無

宣于言于漢主淵曰不出三年必克洛陽蒲子崎嶇難以

久安

崎丘奇翻
恒丘子翻

平陽氣象方昌請徙都之淵從之大赦

改元河瑞

時汾水得玉璽
淵因改元河瑞

三月戊申高密孝王略薨

以尚書左僕射山簡為征南將軍都督荆湘交廣四州

諸軍事鎮襄陽

代略也

簡濤之子也嗜酒不恤政事表順

陽內史劉璠得衆心恐百姓劫璠為主詔徵璠為越騎

校尉

璠扶元翻

南州由是遂亂父老莫不追思劉弘

史言劉弘父子

得江漢間民心

丁巳太傅越自滎陽入京師

越自去年徙也滎陽

中書

監王敦謂所親曰太傅專執威權而選用表請尚書猶

以舊制裁之今日之來必有所誅帝之為太弟也與中

庶子繆播親善及即位以播為中書監繆胤為太僕卿

太僕九卿也但晉官未有卿字卿字衍委以心膂帝舅散騎常侍王延尚

書何綏太史令高堂冲並參機密越疑朝臣貳於己散

亶翻騎奇寄翻朝直遥翻劉興潘滔勸越悉誅播等越乃誣播等欲

為亂乙丑遣平東將軍王秉帥甲士三千入宮執播等

十餘人於帝側付廷尉殺之越因繆播兄弟以克河間今又殺之權勢之爭可畏

哉帥讀帝歎息流涕而已綏曾之孫也初何曾侍武帝

宴退謂諸子曰主上開創大業吾每宴見

見賢通翻

未嘗聞

經國遠圖惟說平生常事非貽厥孫謀之道也及身而

已後嗣其殆乎

詞祥史翻

汝輩猶可以免指諸孫曰此屬必

及於難

難乃旦翻

及綏死兄嵩哭之曰我祖其殆聖乎曾曰

食萬錢猶云無下箸處

著遲據翻挾也

子劭日食二萬綏及弟

機羨汰侈尤甚與人書疏詞禮簡傲河內王尼見綏書

謂人曰伯蔚居亂世而矜豪乃爾其能免乎人曰伯蔚

聞卿言必相危害尼曰伯蔚比聞我言自己死矣

何綏字伯

蔚比必寐翻及
也蔚紆勿翻

及永嘉之末何氏無遺種

種章勇翻

臣光曰何曾議武帝偷情取過目前不為遠慮知天

下將亂子孫必與其憂

與讀曰預

何其明也然身為僭侈

使子孫承流卒以驕奢亡族

卒子恆反

其明安在哉且身

為宰相知其君之過不以告而私語於家非忠臣也

太傅越以王敦為揚州刺史

為敦亂東晉張本

劉寔連年請

老朝廷不許尚書左丞劉坦上言古之養老以不事為

優

不事謂不使任事也

不以吏之為重謂宜聽寔所守丁卯詔寔

以侯就第以王行為太尉太傅越解兗州牧領司徒越

以頃來興事多由殿省

謂誅楊駿廢賈后誅趙王倫齊王冏及討成都王穎及羊后太

子羣屢廢屢立皆殿中人為之

乃秦宿衛有侯爵者皆罷之時殿中武

官並封侯由是出者略盡皆泣涕而去更使右衛將軍

何倫左衛將軍王秉領東海國兵數百人宿衛

自是帝左右皆

越私

左積弩將軍朱誕奔漢

武帝泰始四年罷振威揚威護軍置左右積弩

將軍具陳洛陽孤弱勸漢主淵攻之淵以誕為前鋒都督

以滅晉大將軍劉景為大都督將兵攻黎陽克之又敗

王堪於延澤沈男女三萬餘人於河

敗補遺翻沈持林翻

淵聞之

怒曰景何面復見朕

復扶又翻

且天道豈能容之吾所欲除

者司馬氏耳細民何罪黜景為平虜將軍

劉淵之識畧非聰曜所能

及也夏大旱江漢河洛皆竭可涉

川竭亡國之徵

漢安東大

將軍石勒寇鉅鹿常山衆至十餘萬集衣冠人物別為

君子營

石勒起於邊外饑隸而能如此此其所以能跨有土宇也

以趙郡張賓為謀

主刀盾為股肱夔安孔萇支雄桃豹逢明為爪牙

姓譜夔子

之後以國為姓後趙支雄傳云其先月支胡人也桃春秋魯邑以邑為姓一曰古高士左伯桃之後逢盧谷翻

并州諸部落多從之侵掠初張賓好讀書

好呼到翻

潤達有

大志常自比張子房及石勒狗山東賓謂所親曰吾歷

觀諸將無如此胡將軍者

勒本胡也故謂之胡將軍

可與共成大業

乃提劍詣軍門大呼請見勒亦未之奇也賓數以策干

勒

呼火故翻數所角翻

已而皆如所言勒由是奇之署為軍功曹

動靜咨之

漢主淵以王彌為侍中都督青徐兗豫荆

揚六州諸軍事征東大將軍青州牧與楚王聰共攻壺

闕以石勒為前鋒都督劉琨遣護軍黃肅韓述救之聰

敗述於西澗勒敗肅於封田皆殺之

西澗封田皆當在壺關東南敗補遺

翻考異曰石勒載記肅作秀封作白今從十六國春秋及劉琨集

太傅越遣淮南內史

王曠

秋考異曰十六國春秋作王廣今從帝紀

將軍施融曹超將兵拒聰等

曠濟河欲長驅而前融曰彼乘險閒出

閒古覓翻

我雖有數

萬之衆猶是一軍獨受敵也且當阻水為固以量形執

量音良

然後圖之曠怒曰君欲沮衆邪

沮在呂翻

融退曰彼善

用兵曠闇於事勢吾屬今必死矣曠等於太行

行戶剛翻與

聰遇戰於長平之間曠兵大敗融超皆死聰遂破屯留

長子

純 屯音

凡斬獲萬九千級上黨太守龐淳以壺關降

漢

降戶江翻 作劉惔劉琨

考異曰十六國春秋 傳作裴醇今從帝紀

劉琨以都尉張倚

領上黨太守據襄垣

襄垣縣屬上黨郡宋白曰襄垣趙襄子所築因以為名

初匈奴

劉猛死

見七十九卷武帝太始八年

右賢王去卑之子誥升爰代

領其衆誥升爰卒子虎立居新興號鐵弗氏

鐵弗氏之後為赫連

勃勃與白部鮮卑皆附於漢

考異曰劉琨集作百部今從後魏書晉書

劉琨

自將擊虎

將即亮翻 壺關琨使

兵救之為聰所敗王廣等及聰

戰又敗龐淳以郡降賊十六國春秋 關敗韓述黃肅六月晉遣王廣等來討七月戰于長平

晉師敗劉惔以壺關降按劉琨集載六月癸巳琨答太傅府書曰聽彌入上黨龐惔不能禦又曰安居失利韓述授首封田之敗黃肅不還浹辰之間名將仍殄又曰即重遣江陶都尉張倚領上黨太守疾據襄垣續遣鷹揚將軍趙擬梁余都尉李茂與倚併力輕行夜襲賊捐奔輜車宵遁而退追尋討截獲三分之二當聽彌之未走烏丸劉虎構為變逆西招白部遣使致任稱臣於淵殘州困弱內外受敵輒背聽而討虎自四月八日攻圍然則琨討虎以上事皆在四月以前也蓋晉漢二史皆據奏報事畢而言之今依琨集為定

劉聰遣

兵襲晉陽不克 五月漢主淵封子裕為齊王隆為魯

王 秋八月漢主淵命楚王聰等進攻洛陽詔平北將

軍曹武等拒之皆為聰所敗

敗補
邁翻

聰長驅至宜陽自恃

驥勝怠不設備九月弘農太守垣延詐降

垣姓延名降戶江翻

夜

襲聰軍聰大敗而還王浚遣祁弘與鮮卑段務勿塵擊

石勒于飛龍山

隋地理志恒山郡石邑縣有飛龍山括地志封龍山一名飛龍山在恒山鹿泉

縣南四十五里

大破之勒退屯黎陽

冬十月漢主淵復遣楚

王聰王彌始安王曜汝陰王景帥精騎五萬寇洛陽

扶復

又翻帥請曰率騎奇寄翻

大司空鴈門剛穆公呼延翼帥步卒繼之

北狄傳匈奴四姓有呼延氏卜氏蘭氏喬氏而呼延氏最貴

丙辰聰等至宜陽朝廷

以漢兵新敗不意其復至大懼辛酉聰屯西明門

西明門洛

城西南南頭
第二門也

北宮純等夜帥勇士千餘人出攻漢壁斬

其征虜將軍呼延顥壬戌聰南屯洛水

洛水過洛城南

乙丑呼

延翼為其下所殺其衆自大陽潰歸淵勅聰等還師聰

表稱晉兵微弱不可以翼顥死故還師固請留攻洛陽

淵許之太傅越嬰城自守戊寅聰親祈嵩山

嵩山在河南陽城縣

留平晉將軍安陽哀王厲冠軍將軍呼延朗督攝留軍

冠古玩翻

太傅參軍孫詢說越乘虛出擊朗斬之

說輸萬翻

厲赴

水死王彌謂聰曰今軍旣失利洛陽守備猶固運車在

陝糧食不支數日

聰自宜陽而東又南進屯于洛水既為晉所敗運車在陝糧道隔絕陝失

冉

殿下不如與龍驤還平陽

淵以族子曜為龍驤大將軍驤思將

翻裹糧

發卒更為後舉下官亦收兵穀待命於兗豫不亦可乎

聰自以請留未敢還宣于修之言於淵曰歲在辛未乃

得洛陽今晉氣猶盛大軍不歸必敗淵乃召聰等還

天水人旬琦等

旬呼宏翻

殺成太尉李離尚書令閻式以梓

潼降羅尚

降戶江翻

成主雄遣太傅驤司徒雲司空璜攻之

不克雲璜戰死初譙周有子居巴西西城巴西太守馬脫

殺之其子登詣劉弘請兵以復讐弘表登為梓潼內史

使自募巴蜀流民得二千人西上

上時掌翻

至巴郡從羅尚

求益兵不得登進攻宕渠

宕渠縣漢屬巴郡自蜀以來屬巴西郡賢曰宕渠故城在

今渠州流江縣東北宕徒浪翻

斬馬脫食其肝會梓潼降登進據涪城

涪音浮

雄自攻之為登所敗

敗補邁翻

十一月甲申漢楚王

聰始安王曜歸于平陽王彌南出轅轅

轅音環

流民之在

潁川襄城汝南南陽河南者數萬家

襄陽縣漢屬潁川郡武帝泰始二年

分立襄城郡

素為居民所苦皆燒城邑殺二千石長吏以應

彌長知

石勒寇信都

信都縣漢屬信都國後漢屬安平國晉同殺冀州刺史

史王斌

斌音彬

王浚自領冀州詔車騎將軍王堪北中郎

將裴憲將兵討勒勒引兵還拒之魏郡太守劉矩以郡

降勒

降戶翻

勒至黎陽裴憲棄軍奔淮南王堪退保倉垣

倉垣城在陳留浚儀縣水經汴水出浚儀縣北東還倉垣城南即八梁縣之倉垣亭也城臨汴水

十

二月漢主淵以陳留王歡樂為太傅

樂音洛

楚王聰為大

司徒江都王延年為大司空遣都護大將軍曲陽王賢

與征北大將軍劉靈安北將軍趙固平北將軍王桑東

屯內黃

內黃縣屬魏郡應劭曰陳留有外黃故加內云

王彌表左長史曹窺行

安東將軍東徇青州且迎其家淵許之

窺魚力翻為曹窺據青州張本

王彌家在東萊

初東夷校尉勃海李臻與王浚約共輔晉室

浚內有異志臻恨之和演之死也

見八十五卷惠帝永興元年

別駕

昌黎王誕亡歸李臻說臻舉兵討浚臻遣其子成將兵

擊浚

考異曰燕書王誕傳成作咸今從李洪傳說輸尚翻

遼東太守龐本素與

臻有隙乘虛襲殺臻遣人殺成於無慮

無慮縣前漢屬遼東後漢屬遼

東屬國晉省應劭曰慮音問誕亡歸慕容廆詔以勃海周禮所謂其山醫巫閭是也

封釋代臻為東夷校尉龐本復謀殺之

龐平罪翻復扶又翻

釋子

俊勸釋伏兵請本收斬之悉誅其家

俊七倫翻又且緣翻

四年春正月乙丑朔大赦

漢主淵立單徵女為皇后

單徵氏苗也歸漢見上卷二年單音善

梁王和為皇太子大赦封子乂為

北海王以長樂王洋為大司馬

樂音洛

漢鎮東大將軍

石勒濟河拔白馬王彌以三萬衆會之共寇徐豫兗州

二月勒襲鄆城

鄆音絹

殺兗州刺史袁孚遂拔倉垣殺王

堪復北濟河攻冀州諸郡

復扶又翻

民從之者九萬餘口

成太尉李國鎮巴西帳下文石殺國以巴西降羅尚

降戶

江翻

太傅越徵建威將軍吳興錢璿

吳分吳郡丹陽置吳興郡以白烏程

興故也璿黃外翻

及揚州刺史王敦璿謀殺敦以反敦奔建業

告琅邪王睿璿遂反進寇陽羨

陽羨縣前漢屬會稽郡後漢屬吳郡自吳以來

分屬吳興郡賢曰陽羨故城在今常州義興縣南

睿遣將軍郭逸等討之周玘

糾合鄉里與逸等共討璿斬之玘三定江南

惠帝永興元年討石

永永嘉元年討陳敏今又誅璿是三定江南

睿以玘為吳興太守於其鄉用

置義興郡以旌之

時分吳興之陽羨及長城縣之西鄉丹陽之永世為義興郡

曹

疑自大梁引兵而東所至皆下遂克東平進攻琅邪

夏四月王浚將祁弘敗漢冀州刺史劉靈於廣宗殺之

將即亮翻下同廣宗縣漢屬鉅鹿郡晉屬安平國敗補遼

翻

成主雄謂其將張寶

曰汝能得梓潼吾以李離之官賞汝寶乃先殺人而亡

奔梓潼旬琦等信之委以心腹會羅尚遣使至梓潼

使疏

翻琦等出送之寶從後閉門琦等奔巴西雄以寶為太

尉幽并司冀秦雍六州大蝗食草木牛馬毛皆盡

雍於

翻用秋七月漢楚王聰始安王曜石勒及安北大將軍

趙國圍河內太守裴整于懷詔征虜將軍宋抽救懷勒

與平北大將軍王桑逆擊抽殺之河內人執整以降

降戶

江漢主淵以整為尚書左丞河內督將郭默收整餘眾

自為塢主

城之小者曰塢天下兵爭聚眾築塢以自守未有朝命故自為塢主將即亮翻劉琨

以默為河內太守 羅尚卒於巴郡詔以長沙太守下

邳皮素代之

姓諧皮姓樊仲皮之後

庚午漢主淵寢疾辛未以

陳留王歡樂為太宰長樂王洋為太傅

樂音洛

江都王延

年為太保楚王聰為大司馬大單于並錄尚書事置單

于臺於平陽西

單音

以齊王裕為大司徒魯王隆為尚

書令北海王義為撫軍大將軍領司隸校尉始安王曜

為征討大都督領單于左輔廷尉喬智明為冠軍大將

軍領單于右輔光祿大夫劉殷為左僕射王育為右僕

射任顗為吏部尚書

任音士顗魚豈翻

朱紀為中書監護軍馬

景領左衛將軍永安王安國領右衛將軍安昌王盛安

邑王欽西陽王璿皆領武衛將軍分典禁兵

璿句緣翻

初盛

少時不好讀書

少詩照翻好呼到翻

唯讀孝經論語曰誦此能行

足矣安用多誦而不行乎李熹見之歎曰望之如可易

易弋鼓翻
慢易也

及至肅如嚴君可謂君子矣淵以其忠篤故

臨終委以要任丁丑淵召太宰歡樂等入禁中受遺詔

輔政己卯淵卒

考異曰十六國春秋八月丁丑淵召太宰歡樂等受遺詔己卯卒辛未葬按

長曆七月壬戌朔十六日丁丑十八日己卯八月辛卯朔無丁丑己卯及辛未辛未乃九月十一日蓋淵以七

月辛九月癸十六國春秋誤也

太子和即位

和字玄泰淵之嫡子

和性猜忌無恩

宗正呼延攸翼之子也淵以其無才行終身不遷官侍

中劉乘素惡楚王聰衛尉西昌王銳恥不預顧命乃相

與謀說和曰先帝不惟輕重之勢使三王總彊兵於內

惟思也三王謂安昌王盛安邑王欽西陽王璿也或曰三王謂齊王裕魯王隆北海王乂行下孟翻惡烏路翻

說輪大司馬擁十萬衆屯於近郊謂聰屯平陽西也陛下便為

寄坐耳言大權非已出託位於臣民之上勢同寄寓也坐徂卧翻宜早為之計和攸

之甥也深信之辛巳夜召安昌王盛安邑王欽等告之

盛曰先帝梓宮在殯四王未有逆節聰淵之第四子故曰四王或曰謂聰

裕隆一旦自相魚肉天下謂陛下何且大業甫爾陛下

勿信讒夫之言以疑兄弟兄弟尚不可信他人誰足

信哉攸銳怒之曰今日之議理無有二領軍是何言乎

命左右刃之盛既死欽懼曰惟陛下命壬午銳帥馬景

攻楚王聰于單于臺單音埠攸帥永安王安國攻齊王裕

于司徒府乘帥安邑王欽攻魯王隆使尚書田密武衛

將軍劉璿攻北海王义密璿挾义斬闕歸于聰聰命貫

甲以待之貫甲標甲也帥讀曰車銳知聰有備馳還與攸乘共攻

隆裕攸乘疑安國欽有異志殺之是日斬裕癸未斬隆

甲申聰攻西明門克之劉淵都平陽諸城門皆用洛陽諸城門名銳等走入

南宮前鋒隨之乙酉殺和於光極西室

劉淵起光極殿於平陽

收

銳攸乘梟首通衢

梟堅堯翻

羣臣請聽即帝位聽以北海王

乂單后之子也以位讓之

考異曰載記作乂十乂涕六國春秋作乂今從之

泣固請聽久而許之曰乂及羣公正以禍難尚殷貪孤

年長故耳

難乃旦翻長知兩翻

此家國之事孤何敢辭俟乂年長

當以大業歸之遂即位

聰字玄明淵第四子

大赦改元光興尊單

氏曰皇太后其母張氏曰帝太后以乂為皇太弟領大

單于大司徒其妻呼延氏為皇后呼延氏淵后之從父

妹也

從才用翻

封其子粲為河內王易為河間王翼為彭城

王惔為高平王

惔苦回翻

仍以粲為撫軍大將軍都督中外

諸軍事以石勒為并州刺史封汲郡公

略陽臨渭氏

苻蒲洪驍勇多權略羣氏畏服之

晉志略陽郡在臨渭縣蓋魏所置也載記

曰氏之先蓋有扈氏之苗裔世為西戎苻長洪家池中
生蒲長五丈五節如竹形時咸謂之蒲家因以為氏其
後洪以讖文有草付應王又其孫
堅背文有忡付字遂改姓苻氏

漢主聰遣使拜洪平

遠將軍洪不受自稱護氏校尉秦州刺史略陽公

蒲洪事始

此九月辛未葬漢主淵于永光陵謚曰光文皇帝廟

號高祖 雍州流民多在南陽詔書遣還鄉里流民以

關中荒殘皆不願歸征南將軍山簡南中郎將杜蕤各

遣兵送之促期令發京兆王如遂潛結壯士夜襲二軍

破之

二軍山簡及杜蕤所遣之軍也

於是馮翊嚴寢

寢魚力翻

京兆侯脫各

聚衆攻城鎮殺令長以應之

長知兩翻

未幾衆至四五萬

幾居

宣翻自號大將軍領司雍二州牧

雍於用翻

稱藩于漢

冬十

月漢河內王粲始安王曜及王彌帥衆四萬寇洛陽石

勒帥騎二萬會粲于大陽敗監軍裴邈于渑池

帥讀曰率敗補

道翻下同
泥彌充翻

遂長驅入洛川榮出輶轅掠梁陳汝潁間

輶音

還勒出成臯關

晉志河南成
臯縣有關

壬寅圍陳留太守王讚於

倉垣為讚所敗退屯文石津

據帝紀文石津在河北又
據永嘉六年勒自葛陂北

行至東燕使孔萇自文石津潛度枋頭取向

劉琨自

將討劉虎及白部

白部鮮卑也琨以劉虎
及白部皆附漢故討之

遣使卑辭

厚禮說鮮卑拓拔猗盧以請兵

說輸
苒翻

猗盧使其弟弗之

子鬱律帥騎二萬助之遂破劉虎白部屠其營琨與猗

盧結為兄弟表猗盧為大單于以代郡封之為代公時

代郡屬幽州王浚不許遣兵擊猗盧猗盧拒破之浚與
琨由是有隙猗盧以封邑去國懸遠民不相接乃帥部
落萬餘家自雲中入鴈門從琨求陜北之地

陜北石陜
關之北也

陜音刑琨不能制且欲倚之為援乃徙樓煩馬邑陰館繁

時塢五縣民於陜南

樓煩匈奴之所居其地在北河之
南今嵐州樓煩郡非古樓煩也漢

馬邑則唐之大同軍是其地漢陰館縣在句注西北繁
時縣在武州川塢縣為北齊北顯州平冠縣今五縣雖

存皆非古縣地矣

以其地與猗盧

考異曰懷帝紀永嘉
五年十一月猗盧寇

太原劉琨徙五縣居之六年八月辛亥劉琨乞師于猗
盧表盧為代公宋書索虜傳在永嘉三年晉春秋在永

嘉四年且云猗盧率萬餘家避難自雲中入鴈門後魏
序紀在穆帝三年即永嘉四年也琨集永嘉四年六月
癸巳上太傅府牋云盧感封代之恩故知在四年六月
之前又琨與丞相牋曰昔車騎感猗色救州之勲表以
代郡封邑為代公見琨時大駕在長安會值戎事道路
不通竟未施行盧以封事見託琨實為表上追述車騎
前意即蒙聽許遣兼謁者僕射拜盧賜印及符冊浚以
此見責戎狄封華郡誠為失禮然蓋以救弊耳亦猶浚
先以遼西封務勿盧此禮之失浚實啓之浚遂與盧爭
代郡舉兵擊盧為所破紛錯之由始結於此鴈門郡有
五縣在陘北盧新并盧官國甚彊盛從琨求陘北地以
並遣三萬餘家散在五縣間既非所制又於琨殘弱之
計得相聚集未為失宜即徙陘北五縣著陘南盧因移
頗侵逼浚西陞圍塞諸軍營浚不復見恕危弱而見罪
責以此觀之盧由是猗盧益盛琨遣使言於太傅越請
非避難而來也

出兵共討劉聰石勒越忌苟晞及豫州刺史馮嵩

越晞有隙

事見上卷二年嵩蓋亦不心附越者

恐為後患不許琨乃謝猗盧之兵遣

歸國

考異曰後魏序紀曰劉琨乞師救洛穆帝遣步騎二萬助之東海王越以洛陽飢荒不許按琨與丞

相賤曰琨傾身竭辭北和猗盧遂引大衆躬啓戎行即具白太傅切陳愚見取賊之計聰宜時討勒不可縱而宰相意異所慮不同更憂苟晞馮嵩之徒而稽二寇之誅遣使折抑挫臣銳氣臣即解甲遣盧衆歸國若猗盧果遣衆赴洛琨賤安得不言也劉虎收餘衆西度河居朔方肆盧川

肆盧

川在朔方塞內後拓拔氏於其地置肆盧郡真君七年併入秀容郡魏收地形志秀容郡秀容縣有肆盧城

漢主聰以虎宗室封樓煩公士子以劉琨為平北大將

軍王浚為司空進鮮卑段務勿塵為大單于

單音婢

京

師饑困日甚太傅越遣使以羽檄徵天下兵使入援京

師帝謂使者曰為我語諸征鎮今日尚可救後則無及

矣既而卒無至者

為于偽翻語牛倨翻辛子恤翻

征南將軍山簡遣督

護王萬將兵入援軍于涅陽

涅陽縣屬南陽郡應劭曰在涅水之陽師古曰涅音

乃結為王如所敗

敗補邁翻

如遂大掠沔漢進逼襄陽簡嬰

城自守荊州刺史王澄

澄時治江陵

自將欲援京師至沔口

水經注零水上通梁州沔陽縣東逕新城郡之沔鄉縣謂之沔水又東歷宜城西山謂之沔溪東流合於夷水

謂之汴口楊正

聞簡敗衆散而還

還從宣翻又如字

朝議多欲

遷都以避難

朝直遙翻難乃旦翻

王衍以為不可賣車牛以安衆

心山簡為嚴寔所逼自襄陽徙屯夏口

夏戶雅翻

石勒引

兵濟河將趣南陽

趣七喻翻

王如侯脫嚴寔等聞之遣衆一

萬屯襄城以拒勒勒擊之盡俘其衆進屯宛北是時侯

脫據宛

宛於元翻

王如據穰

穰縣漢屬南陽郡晉屬義陽郡

如素與脫不協

遣使重賂勒結為兄弟說勒使攻脫

說輸芮翻

勒攻宛克之

嚴寔引兵救宛不及而降

降戶江翻

勒斬脫因寔送于平陽

盡并其衆遂南寇襄陽攻拔江西壘壁三十餘所

南寇既

襄陽循漢而下攻掠江西

還趣襄城王如遣弟瑀襲勒勒迎擊滅之

復屯江西

復扶又翻江西大江之西也趣七喻翻

太傅越既殺王延等

見上永嘉三年

大失衆望又以胡寇益盛內不自安乃戎服入

見

見賢通翻

請討石勒且鎮集兗豫帝曰今石勒侵逼郊畿

人無固志朝廷社稷倚賴於公豈可遠出以孤根本對

曰臣出幸而破賊則國威可振猶愈於坐待困窮也十

一月甲戌越帥甲士四萬向許昌留妃裴氏世子毗及

龍驤將軍李憚右衛將軍何倫守衛京師

帥讀曰率憚於粉翻

防

察宮省以潘滔為河南尹摠留事越表以行臺自隨用

太尉行為軍司朝賢素望悉為佐吏名將勁卒咸入其

府

朝直遙翻將即亮翻

於是宮省無復守衛荒饑日甚殿內死人

交橫盜賊公行府寺營署並掘塹自守

塹七訛翻

越東屯項

以馮嵩為左司馬自領豫州牧竟陵王楸白帝遣兵襲

何倫不克帝委罪於楸楸逃竄得免

楸即東平王楸帝踐祚改封竟陵王

揚州都督周馥以洛陽孤危上書請遷都壽春太傅

越以馥不先白已而直上書大怒召馥及淮南太守裴

碩馥不肯行令碩帥兵先進

帥讀曰率

碩詐稱受越密旨襲

馥為馥所敗

敗補遺翻

退保東城

東城縣漢屬九江郡後漢屬下邳國晉屬淮南郡宋

白曰濠州定遠縣漢東城縣地

詔加張軌鎮西將軍都督隴右諸軍事

考異曰帝紀云安西將軍今從本傳

光祿大夫傳祇太

常摯虞遺軌書

遺于季翻

告以京師飢匱軌遣參軍杜勲獻

馬五百匹耗布三萬匹

耗布織耗為布也耗吐敢翻

成太傅驤攻

譙登於涪城羅尚子宇及參佐素惡登不給其糧

涪音浮惡

烏路

益州刺史皮素怒欲治其罪

治直翻

十二月素至巴

郡羅宇使人夜殺素建平都尉暴重殺宇巴郡亂驤知

登食盡援絕攻涪愈急士民皆熏鼠食之餓死甚衆無

一人離叛者驤子壽先在登所登乃歸之

永興元年羅尚掠得驤妻

及其子壽因在登所

三府官屬表巴東監軍南陽韓松為益州刺

史三府平西將軍府益州刺史府西戎校尉府皆羅尚兼領者也監古街翻

治巴東初帝

以王彌石勒侵逼京畿詔苟晞督帥州郡討之

帥讀會日率

曹窺破琅邪

窺魚力翻

北收齊地兵勢甚盛苟純閉城自守

睢還救青州與寇連戰破之

永嘉元年荀晞討魏植留弟純守青州

是

歲寧州刺史王遜到官表李釗為朱提太守

朱提音銖時

時

寧州外逼於成內逼於石城邑丘墟遜惡衣菜食招集

離散勞來不倦

勞力到翻來力代翻

數年之間州境復安誅豪石

不奉灑者十餘家以五苓裔昔為亂首

見八十五卷惠帝太安二年苓

力丁翻擊滅之內外震服

漢主聰自以越次而立忌其

嫡兄恭因恭寢穴其壁間刺而殺之

刺七亦翻

漢太后單

氏卒

單音善

漢主聰尊母張氏為皇太后單氏年少美色

聰丞馬

下淫上曰丞上淫
下曰報少詩照翻

太弟義屢以為言單氏慙恚

而死

恚於
避翻

義寵由是漸衰然以單氏故尚未之廢也呼

延后言於聰曰父死子繼古今常道陛下承高祖之業

劉淵廟
號高祖

太弟何為者哉陛下百年後粲兄弟必無種矣

種章
勇翻

聰曰然吾當徐思之呼延氏曰事留變生太弟見

粲兄弟浸長

長知兩翻
下齒長同

必有不安之志萬一有小人交

構其間未必不禍發于今日也

言義將
殺聰

聰心然之

為元
帝建

武元年聰
殺義張本

義舅光祿大夫單冲泣謂義曰踈不間親主

上有意於河內王矣殿下何不避之義曰河瑞之末主上

自惟嫡庶之分

問古覓翻分扶問翻惟思也

以大位讓義義以主上

齒長故相推奉天下者高祖之天下兄終弟及何為不

可榮兄弟既壯猶今日也且子弟之間親踈距幾主上

寧可有此意乎

聰讓義事見上又此言必不發於是年通鑑因呼延氏之言遂連書之幾居豈

翻

五年春正月壬申苟晞為曹窋所敗

敗補通翻

棄城奔高平

高平縣舊屬梁國晉為高平國泗水逕其西有高平山
山東西十里南北五里高四里其山最高頂上方平故

謂之高平山
縣亦取名焉

石勒謀保據江漢參軍都尉張賓以為

不可會軍中饑疫死者大半乃渡沔寇江夏

夏戶雅翻

癸酉

拔之

乙亥成太傅驤拔涪城

涪音浮

獲譙登太保始拔

巴西殺文石於是成主雄大赦改元王衡譙登至成都

雄欲宥之登詞氣不屈雄殺之

巴蜀流民布在荆湘

間數為土民所侵苦

數所角翻

蜀人李驤聚眾據樂鄉反

此又

一李驤也非成
太傅之李驤

南平太守應詹與醴陵令杜弢共擊破

之

醴陵縣屬長沙
郡弢土力翻

王澄使成都內史王機討驤

惠帝時
蜀亂割

南郡之華容州陵監利三縣別立豐都一縣置成都郡為成都王穎國

驤請降

降戶江翻

澄偽

許而襲殺之以其妻子為賞沈八千餘人於江流民益

怨忿蜀人杜疇等復反

沈持林翻復扶又翻

湘州參軍馮素與蜀

人汝班有隙

汝姓也商有汝楊汝方晉有汝寬汝齊

言於刺史荀眺曰巴

蜀流民皆欲反眺信之

眺他弔翻

欲盡誅流民流民大懼四

五萬家一時俱反以杜弢州里重望

弢蜀郡人以才學著稱於西州弢他

刀翻共推為主弢自稱梁益二州牧領湘州刺史裴碩

求救於琅邪王睿睿使揚威將軍甘卓等攻周馥於壽

春馥衆潰奔項

考異曰帝紀戊寅睿使卓攻馥於壽春馥衆潰未知其為命卓之日與攻日

潰口故闕之

豫州都督新蔡王確執之馥憂憤而卒確騰之

子也

揚州刺史劉陶卒琅邪王睿復以安東軍諮祭

酒王敦為揚州刺史尋加都督征討諸軍事

去年敦奔建業

庚辰平原王幹薨

二月石勒攻新蔡殺新蔡莊王確

於南頓進拔許昌殺平東將軍王康

氏苻成隗文復

叛

苻成等歸羅尚見八十五卷惠帝太安二年復扶又翻

自宜都趣巴東

趣七建喻翻

平都尉暴重討之重因殺韓松自領三府事

東海孝

獻王越既與苟晞有隙

事始上卷
永嘉二年

河南尹潘滔尚書劉

望等復從而譖之

復扶
又翻

晞怒表求滔等首揚言司馬元

超為宰相不平

東海王超
字元超

使天下淆亂苟道將豈可以

不義使之乃移檄諸州自稱功伐陳越罪狀帝亦惡越

專權多違詔命所留將士何倫等抄掠公卿逼辱公主

抄楚
交翻

密賜晞手詔使討之晞數與帝文書往來

惡鳥路
翻數所

角越疑之使遊騎於成臯間伺之

騎奇寄翻下
同伺相吏翻

果獲晞

使及詔書

使疏
吏翻

乃下檄罪狀晞以從事中郎楊瑁為兗

州刺史

瑁莫報翻

使與徐州刺史裴盾共討晞

盾徒損翻

晞遣騎

收潘滔滔夜遁得免執尚書劉曾侍中程延斬之越憂

憤成疾以後事付王衍三月丙子薨于項

紀五年正月帝

帝密詔荀晞討越乙未越遣楊瑁裴盾共擊晞三月戊午詔下越罪狀告方鎮討之以晞為大將軍丙子越薨晞傳晞移告諸州陳越罪狀帝惡越專權乃詔晞施檄六州協同大舉晞移諸征鎮帝又密詔晞討越晞復上表稱李初至奉被手詔卷甲長驅次于倉垣五年帝復詔晞陳越罪惡詔至之日宣告天下率齊大舉晞表稱輒遣王讚將兵詣項越使騎於成阜問獲晞使遂大構嫌陳晉春秋五年正月上遣李初詔晞討越按越若已得晞使則帝亦不能自安潘滔何倫等不容晏然在洛且滔等未去帝亦不敢明言使晞討越年月事迹既前

後參差如此今並置於越薨之時庶為不失

秘不發喪衆共推衍為元帥

帥所

類衍不敢當以讓襄陽王範範亦不受範瑋之子也於

是衍等相與奉越喪還葬東海何倫李暉等聞越薨奉

裴妃及世子毗自洛陽東走城中士民爭隨之帝追賤

越為縣主以苟晞為大將軍大都督督青徐兗豫荆揚

六州諸軍事益州將吏共殺暴重表巴郡太守張羅

行三府事羅與隗文等戰死文等驅掠吏民西降於成

降戶三府文武共表平西司馬蜀郡王異行三府事

益州

錢兵自不足以進取未及暮年而五易帥適為秦氏兼并之資耳

領巴郡太守

初梁

州刺史張光會諸郡守於魏興共謀進取張燕唱言漢

中荒敗迫近大賊

近其新翻

克復之事當俟英雄光以燕受

鄧定賂致失漢中

事見上卷永嘉元年

今復沮衆

復扶又翻沮雍呂翻

呵出

斬之治兵進戰

呵虎何翻治直之翻

累年乃得至漢中綏撫荒殘

百姓悅服

光為梁州刺史見上卷二年

夏四月石勒率輕騎追太

傅越之喪及於苦縣甯平城

苦縣屬陳郡水經註甯平城在沙水北本前漢淮陽

國之寧平縣也後漢改淮陽為陳國晉省寧平縣而故城猶在賢曰寧平故城在今亳州谷陽縣西南騎奇寄

翻下

大敗晉兵縱騎圍而射之

敗補遺翻射而亦翻

將士十餘萬

人相踐如山無一人得免者執太尉衍襄陽王範任城

王濟武陵莊王澹

任音士澹徒覽翻又徒濫翻

西河王喜梁懷王禧

齊王超

西河王喜宣帝弟西河繆王斌之後超齊王同之子

吏部尚書劉望廷尉

諸葛銓豫州刺史劉喬太傅長史庾敳等

敳魚開翻

坐之幕

下問以晉故衍具陳禍敗之由云計不在已且自言少

無宦情不豫世事因勸勒稱尊號冀以自免勒曰君少

壯登朝名蓋四海身居重任何得言無宦情邪破壞天

下非君而誰

少詩照翻
壞音怪

命左右扶出衆人畏死多自陳

述獨襄陽王範神色儼然顧呵之曰今日之事何復紛

紘

復扶
又翻

勒謂孔萇曰吾行天下多矣未嘗見此輩人當

可存乎

勒欲存之以諸人
儀觀之清楚耳

萇曰彼皆晉之王公終不為

吾用勒曰雖然要不可加以鋒刃夜使人排牆殺之濟

宣帝弟子景王陵之子禧澹之子也剖越柩焚其尸曰

亂天下者此人也吾為天下報之故焚其骨以告天地

何倫等至洧倉

水經洧水東南過潁川長社縣分一枝
東流過許昌縣又東入洧倉城內俗以

是水為汶水故有汶倉之名蓋浦水之即聞耳

遇勒戰敗東海世子及宗室四

十八王皆沒於勒

考異曰東海王越傳云三十六王今從帝紀

何倫犇下邳

李暉犇廣宗

暉於粉翻

裴妃為人所掠賣久之渡江初琅邪

王睿之鎮建業裴妃意也故睿德之厚加存撫以其子

冲繼越後

漢趙固王桑攻裴盾殺之

盾時在彭城盾徒損翻

杜弢攻長沙五月荀眺棄城奔廣州弢追擒之於是弢

南破零桂東掠武昌殺二千石長吏甚衆

弢土刀翻

以太

子太傅傳祇為司徒尚書令荀藩為司空加王浚大司

馬侍中大都督督幽冀諸軍事南陽王模為太尉大都

督張軌為車騎大將軍琅邪王睿為鎮東大將軍兼督

楊江湘交廣五州諸軍事初太傅越以南陽王模不能

綏撫關中

時關中飢荒疾癘盜賊公行模不能制

表徵為司空將軍淳于

定說模使不就徵

說輸苟翻

模從之表遣世子保為平西中

郎將鎮上邽秦州刺史裴苞拒之模使帳下都尉陳安

攻苞苞犇安定太守賈疋納之

疋音雅

苟晞表請遷都

倉垣使從事中郎劉會將船數十艘

艘蘇翻

宿衛五百人

穀千斛迎帝帝將從之公卿猶豫左右戀資財遂不果

行既而洛陽饑困人相食百官流亡者什八九帝召公

卿議將行而衛從不備

從才用翻下導從同

帝撫手歎曰如何曾

無車輿乃使傅祗出詣河陰治舟楫

河陰本漢平陰縣魏文帝改曰河陰

在洛陽東北屬河南郡治直之翻

朝士數十人導從

從才用翻

帝步出西掖

門至銅駝街

水經註洛陽城中太尉司徒兩坊間謂之銅駝街魏明帝置銅駝於閭闔南街即此

陸機洛陽記曰洛陽有銅駝街漢鑄銅駝二枚在宮南四會道相對俗語曰金馬門外集衆賢銅駝陌上集少

年為盜所掠不得進而還

藉使帝得至倉垣亦遺石勒禽矣

度支校尉

東郡魏浚率流民數百家保河陰之峽石

水經註河南新安縣東有

千秋亭亭東有雍谷溪曰岫紫紆石路阻峽故亦有峽石之稱

時劫掠得穀麥獻之帝

以為揚威將軍平陽太守度支如故

度徒洛翻

漢主聰使

前軍大將軍呼延晏將兵二萬七千寇洛陽北及河南

河南縣屬河南尹周東都王城郊鄆也比必寐翻

晉兵前後十二敗死者三萬

餘人始安王曜王彌石勒皆引兵會之未至晏留輜重

於張方故壘

張方故壘在洛陽西七里重直用翻

癸未先至洛陽甲申攻

平昌門

平昌門洛城南面東頭第一門

丙戌克之遂焚東陽門及諸府

寺六月丁未朔晏以外繼不至俘掠而去帝具舟於洛水將東走晏盡焚之庚寅荀藩及弟光祿大夫組奔轅

轅

轅音環

辛卯王彌至宣陽門

宣陽門洛城南面東來第四門亦謂之謁門

壬

辰始安王曜至西明門丁酉王彌呼延晏克宣陽門入南宮升太極前殿縱兵大掠悉收宮人珍寶帝出華林園門欲奔長安漢兵追執之幽於端門曜自西明門入屯武庫戌戌曜殺太子詮吳孝王晏竟陵王琳右僕射曹馥尚書問丘冲河南尹劉默等士民死者三萬餘人

遂發掘諸陵焚宮廟官府皆盡曜納惠帝羊皇后遷帝

及六璽於平陽

璽斯氏翻

石勒引兵出轅轅屯許昌光祿大

夫劉蕃尚書盧志并州

從劉琨也蕃琨之父也

丁未漢主聰大

赦改元嘉平以帝為特進左光祿大夫封平阿公

異曰考

帝紀聰以帝為會稽公載記三十國春秋云平阿公晉春秋云平河公河字蓋誤十六國三十國晉春秋明年二月乃封帝會稽公蓋先封平阿後進會稽帝紀闕略今從諸書以侍中庾珉王雋為

光祿大夫珉數之兄也

數魚開翻

初始安王曜以王彌不待

已至先入洛陽怨之彌說曜曰

說輸芮翻下曜說同

洛陽天下之

中山河四塞城池宮室不假修營宜白主上自平陽徙都之曜以天下未定洛陽四面受敵不可守不用彌策而焚之彌罵曰屠各子豈有帝王之意邪

晉書曰北狄以部落為類

其入居塞內者有屠各等十九種皆有部落不相雜錯屠各最豪貴故得為單于統理諸種屠各直於翻杜佑曰頭曼冒頓即屠各種也遂與曜有隙引兵東屯項闕

陳郡項縣有項闕

前

司隸校尉劉曜說彌曰

曜他昆翻

今九州糜沸羣雄競逐將

軍於漢建不世之功又與始安王相失將何以自容不

如東據本州

彌青州東萊人

徐觀天下之勢上可以混壹四海

下不失鼎峙之業策之上者也彌心然之司徒傳祇

建行臺於河陰司空荀藩在陽城

陽城縣漢屬潁川郡晉屬河南郡

河

南尹華薈在城皋汝陰太守平陽李矩為之立屋輪穀

以給之薈歆之曾孫也

華戶化翻汝陰縣漢屬汝南郡魏分置汝陰郡後廢武帝泰始

二年復為郡薈烏外翻為子偽翻

藩與弟組族子中護軍崧薈與弟中

領軍恒建行臺於密

密縣漢屬河南郡晉屬滎陽郡

傳檄四方推琅邪

王睿為盟主藩承制以崧為襄城太守矩為滎陽太守

前冠軍將軍河南褚翼為梁國內史

冠古玩翻翼山立翻又所甲翻揚

威將軍魏浚屯洛北石梁塢劉琨承制假浚河南尹浚

詣荀藩諮謀軍事藩邀李矩同會矩夜赴之矩官屬皆

曰浚不可信不宜夜往矩曰忠臣同心何所疑乎遂往

相與結歡而去浚族子該聚衆據一泉塢

水經註洛水過盧氏縣南

又東逕一合塢南城在川北原上高二十丈南北東三

箱天險峭絕惟築四面即為全固一合之名起於是矣

劉曜之攻河南也晉將軍魏該奔於此該傳曰一泉塢在宜陽

藩以為武威將軍沈約志魏

置將軍四十號威武第十無武威

豫章王端太子詮之弟也

詮且東奔

倉垣荀晞率羣官奉以為皇太子置行臺端承制以晞

領太子太傅都督中外諸軍錄尚書事自倉垣徙屯蒙

城

蒙縣屬梁國

撫軍將軍秦王業吳孝王之子荀藩之甥也

年十二南奔密

考異曰晉書愍帝諱鄢又改建鄢為建康按三十國晉春秋愍帝名子業或

作業又吳志孫權改秣陵為建業取興建基業為名皆不為鄢字今從之藩等奉之南趣許

昌

趣七喻翻

前豫州刺史天水閭鼎聚西州流民數千人於

密欲還鄉里荀藩以鼎有才而擁衆用鼎為豫州刺史

以中書令李恒

恒居登翻傳作李恒

考異曰閭鼎今從王浚傳

司徒左長史

彭城劉疇鎮軍長史周顗

東海王越子毗為鎮軍將軍以顗為長史顗魚豈翻司

馬李述等為之參佐顓浚之子也時海內大亂獨江東
差安中國士民避亂者多南渡江鎮東司馬王導說琅
邪王睿收其賢俊與之共事睿從之辟掾屬百餘人

漢自

以來公府有掾有屬職官分紀曰掾屬當敦明信義肅
清風俗非禮不言非法不行以訓羣吏說翰蒞翻掾以
絹翻下同時人謂之百六掾以前潁川太守勃海刁協為軍

諮祭酒前東海太守王承廣陵相卞壹為從事中郎江

寧令諸葛恢

壹苦本翻吳孫權改秣陵為建業晉平吳
復曰秣陵武帝太康二年分秣陵立江寧

縣歷陽參軍陳國陳顯為行參軍

顯居
筠翻

前太傅掾庾亮

為西曹掾承渾之弟子恢親之子

親疾正翻

亮充之弟子也

江州刺史華軼

華戶化翻軼音逸

歆之曾孫也自以受朝廷

之命

軼永嘉中除江州

而為琅邪王睿所督多不受其教令郡

縣多諫之軼曰吾欲見詔書耳及睿承荀藩檄承制署

置官司改易長吏

長知兩翻

軼與豫州刺史裴憲皆不從命

睿遣楊州刺史王敦歷陽內史甘卓與揚烈將軍廬江

周訪合兵擊軼軼兵敗奔安成

吳孫皓寶鼎二年分豫章廬陵長沙立安成郡

宋白曰吉州安福縣本漢安成縣今縣西六十里有安成故城

訪追斬之及其五子裴

憲彝幽州睿以甘卓為湘州刺史周訪為尋陽太守又

以揚武將軍陶侃為武昌太守

吳孫權改鄂曰武昌晉武帝太康元年復立鄂

縣而武昌如故改吳之江夏曰武昌郡漢尋陽縣屬廬江郡其地在江北惠帝永興元年分廬江武昌立尋陽郡治豫章之柴桑

秋七月王浚設壇告類

告類祭也

尋陽遂在江南

天及五立皇太子

考異曰晉書初無其名劉琨與丞相賧曰浚設壇場有所建立稱皇太子

帝也

立皇太子

不知為誰布告天下稱受中詔承制封拜備置百官列署征

鎮以荀藩為太尉琅邪王睿為大將軍浚自領尚書令以裴憲及其壻棗嵩為尚書以田徽為兗州刺史李憚

為青州刺史

惲於粉翻

南陽王模使牙門趙染戍蒲坂

劉

在平陽欲窺閭中蒲坂兵衝也坂音反

染求馮翊太守不得而怒帥眾降

漢

帥讀曰率降戶江翻

漢主聰以染為平西將軍八月聰遣染與

安西將軍劉雅帥騎二萬攻模于長安河內王粲始安

王曜帥大眾繼之染敗模兵於潼關長驅至下邳

敗補邁翻

下邳縣前漢屬京北後漢省併入鄭縣桓帝復置晉屬馮翊郡應劭曰有上邳故稱下秦武公伐邾戎置宋白曰四夷縣道記下邳縣東南二十五里涼州將北宮純有下邳故城在渭水北師古曰邾音圭

自長安帥其眾降漢

將即亮翻

漢兵圍長安模遣淳于定出

戰而敗模倉庫虛竭士卒離散遂降於漢趙染送模於

河內王粲九月粲殺模

考異曰帝紀八月模遇害按劉琨上丞相牋曰平昌以九月

遇禍世子時鎮隴右關西飢饉白骨蔽野士民存者百
故得無恙今以為據

無一二聰以始安王曜為車騎大將軍雍州牧更封中

山王鎮長安

雍於用翻

以王彌為大將軍封齊公 苟晞驕

奢苛暴前遼西太守閻亨續之子也數諫晞晞殺之

數所

角翻從事中郎明預有疾

姓譜明秦大夫孟明之後為平原望姓

自舉入諫

晞怒曰我殺閻亨何關人事而輿病罵我

羊翻

預曰明

公以禮待預故預以禮自盡今明公怒預其如遠近怒
明公何桀為天子猶以驕暴而亡況人臣乎願明公且
置是怒思預之言晞不從由是衆心離怨加以疾疫饑
饉石勒攻王讚於陽夏擒之

陽夏縣屬陳郡夏音賈

遂襲蒙城執晞

及豫章王端鎖晞頸以為左司馬漢主聰拜勒幽州牧

王彌與勒外相親而內相忌劉暉說彌使召曹窺之兵

以圖勒

說輸
尚翻

彌為書使暉召窺且邀勒共向青州暉至

東阿

東阿縣漢屬東郡晉屬濟北國

勒游騎獲之勒潛殺暉而彌不知

會彌將徐邈高梁輒引所部兵去彌兵漸衰

將即亮翻

彌聞

勒擒苟晞心惡之

惡烏路翻

以書賀勒曰公獲苟晞而用之何

其神也使晞為公左彌為公右天下不足定也勒謂張

賓曰王公位重而言卑其圖我必矣賓因勸勒乘彌小

衰誘而取之

誘音西

時勒方與乞活陳午相攻於蓬關

蓬關

在陳留浚儀縣莊志曰蓬澤在河南開封縣東北臣瓚曰今浚儀有蓬陂是也

彌亦與劉瑞相

持甚急彌請救於勒勒未之許張賓曰公常恐不得王

公之便今天以王公授我矣陳午小豎不足憂王公人

傑當早除之勒乃引兵擊瑞斬之彌大喜謂勒實親已

不復疑也冬十月勒請彌燕于已吾

已吾縣後漢屬陳留郡魏晉省陳留

風俗傳曰縣故宋地雖以陳楚之地故梁國寧陵縣之徒種龍鄉也以成哀之世戶至八九千冠帶之士求置

縣永元十一年陳王削地以大棘鄉直陽鄉彌將自賜隸之命以嘉名曰已吾猶有陳楚之俗焉

往長史張嵩諫不聽酒酣勒手斬彌而并其衆表漢主

聰稱彌叛逆聰大怒遣使讓勒專害公輔有無君之心

然猶加勒鎮東大將軍督并幽二州諸軍事領并州刺

史以慰其心苟晞王讚潛謀叛勒勒殺之并晞弟純勒

引兵掠豫州諸郡臨江而還

還從宣翻
又如字

屯于葛陂

續漢書郡

國志汝南郡網陽縣有葛陂賢曰葛陂在今豫州新蔡縣西北

初勒之為人所掠賣也

事見上卷惠帝永興二年

與其母王氏相失劉琨得之并其從子虎

送於勒因遺勒書曰

從才用翻遺于季翻下同

將軍用兵如神所向

無敵所以周流天下而無容足之地百戰百勝而無尺

寸之功者蓋得主則為義兵附逆則為賊衆故也成敗

之數有似呼吸吹之則寒噓之則溫今相授侍中車騎

大將軍領護匈奴中郎將襄城郡公將軍其受之勒報

書曰事功殊途非腐儒所知君當選節本朝吾自夷難

為効

勒書意度雄爽此必張賓為之難乃旦翻

遺琨名馬珍寶厚禮其使謝

而絕之時虎年十七殘忍無度為軍中患勒白母曰此

兒凶暴無賴

應劭曰賴者恃也晉灼曰許慎曰賴利也無利入於家也或曰江淮之間謂小兒多

詐狡獪為無賴師古曰晉說是也

使軍人殺之聲名可惜不若自除之

母曰快牛為犢多能破車汝小忍之及長便弓馬勇冠

當時勒以為征虜將軍每屠城邑鮮有遺類

長知兩翻冠古玩翻

鮮息淺翻

然御衆嚴而不煩莫敢犯者指授攻討所向無前

勒遂寵任之

石虎始此為虎謀
夷勒諸子張本

勒攻滎陽太守李矩矩

擊却之

初南陽王模以從事中郎索綝為馮翊太守

綝靖之子也模死綝與安夷護軍金城麴允頻陽令梁

肅俱奔安定

索昔各翻姓也綝丑林翻頻陽縣屬馮翊
郡秦屬公置應劭曰在頻水之陽杜佑曰

京北同官縣漢祿相縣晉為頻陽縣時綝等自
京北南山縣安定安夷護軍蓋亦置司於長安時安定

太守賈疋與諸氏羌皆送任子於漢綝等遇之於陰密

擁還臨涇

陰密縣屬安定郡商之密國詩所謂密人不
恭敢距大邦者也臨涇縣時為安定郡治所

與疋謀興復晉室疋從之乃共推疋為平西將軍率眾

五萬向長安雍州刺史麴特新平太守竺恢皆不降於

漢

特與恢同守新平雍於用翻

聞疋起兵與扶風太守梁綜帥衆十

萬會之

帥讀曰率

綜肅之兄也漢河內王粲在新豐使其將

劉雅趙染攻新平不克索綝救新平大小百戰雅等敗

退中山王曜與疋等戰於黃丘

黃丘在馮翊雲陽縣黃蘗山下

曜衆大

敗疋遂襲漢梁州刺史彭蕩仲殺之

蕩仲安定盧水胡也據後蕩仲子天

護漢以為涼州刺史此梁當作涼

麴特等擊破粲於新豐粲還平陽於

是疋等兵勢大振闕西胡晉翕然響應閭鼎欲奉秦王

業入關據長安以號令四方河陰令傅暢祇之子也亦

以書勸之鼎遂行荀藩劉疇周顗李述等皆山東人不

欲西行中塗逃散鼎遣兵追之不及殺李緱等

緱居鼎登翻

與業自宛趣武關遇盜於上洛

上洛縣漢屬弘農郡漢元鼎四年置居洛水上

因以為名晉初改為京兆南部武帝泰始二年分京兆南部置上洛郡杜佑曰上洛漢長利縣宛於元翻趣七

翻喻士卒敗散收其餘衆進至藍田使人告賈疋疋遣兵

迎之十二月入于雍城

雍於用翻

使梁綜將兵衛之周顗奔

琅邪王睿睿以顗為軍諮祭酒前騎都尉譙國桓彝亦

避亂過江見睿微弱謂顗曰我以中州多故來此求全

而單弱如此將何以濟既而見王導共論世事退謂顗

曰向見管夷吾無復憂矣以王導比管仲也諸名士相與登新

亭遊宴金陵覽古曰新亭在江寧縣十里近臨江渚按新亭蓋近勞勞亭周顗中坐歎

曰風景不殊舉目有江河之異言洛都遊宴多在河濱而新亭臨江渚也坐徂

卧因相視流涕王導愀然變色曰慨七當共戮力王室翻

克復神州戰國時騶衍以為中國者於天下乃八十一分居其一分耳中國名曰赤縣神州赤縣神州未縣神

州內自有九州禹之所序九州是也孔穎達曰按地統括地象云地中央曰崑崙又云其東南方五十里曰

神州以此言之崑崙在西北別統四方九州其神州者是崑崙東南一州耳於一州中更分九州則禹貢之九州是也又隋祭北郊有神州迎州冀州戎州拾州桂州宮州咸州揚州從祀其崑崙所統之四方九州歟何

至作楚囚對泣邪衆皆收淚謝之陳顯遺王導書曰

紆顯

倫翻又居筠翻

中華所以傾弊者正以取才失所先白望而後

實事

白望猶虛名也

浮競驅馳互相貢薦言重者先顯言輕者

後叙遂相波扇

以水為譬也波者水之動也風起則波生相扇而動

乃至陵遲加

有莊老之俗傾惑朝廷養望者為弘雅政事者為俗人

王職不卹灋物墜喪

喪息浪翻

夫欲制遠先由近始今宜改

張

漢董仲舒論政曰譬猶琴瑟必改而更張之乃可鼓也

明賞信罰拔卓茂於密

縣

事見四十卷漢光武建武元年

顯朱邑於桐鄉

朱邑為舒桐鄉嗇夫廉平不苛以愛利為

行漢宣帝舉而用之官至大司農

然後大業可舉中興可冀耳導不能

從劉琨長於招懷而短於撫御一日之中雖歸者數

千而去者亦相繼琨遣子遵請兵於代公猗盧又遣族

人高陽內史希合衆於中山幽州所統代郡上谷廣甯

之民多歸之

廣甯縣漢屬上谷郡晉武帝太康中分立廣甯郡唐屬妫州界

衆至三萬

王浚怒遣燕相胡矩督諸軍

燕於賢翻相息亮翻

與遼西公段疾

陸眷共攻希殺之驅略三郡士女而去疾六眷務勿塵

之子也猗盧遣其子六修將兵助琨戍新興

考異曰晉春秋作

利孫按利孫即六修也胡語訛轉焉耳余按孔穎達曰聲相近者聲轉字異

琨牙門將邢延

以碧石獻琨琨以與六修六修復就延求之

復扶又翻

不得

執延妻子延怒以所部兵襲六修六修走延遂以新興附

漢請兵以攻并州

李臻之死也

事見上永嘉三年

遼東附塞

鮮卑素喜連木九津託為臻報仇

素喜連木九津二部也為于偽翻

攻

陷諸縣殺掠士民屢敗郡兵

敗補遺翻

連年為寇東夷校尉

封釋不能討請與連和連津不從民失業歸慕容廆者

甚衆廆稟給遣還願留者即撫存之廆少子鷹揚將軍

翰

廆戶罪翻據載記翰於銑為庶兄銑廆第三子則翰非少子也少詩照翻

言於廆曰自古

有為之君莫不尊天子以從民望成大業今連津外以

廆本為名內實幸災為亂封使君已誅本請和

誅廆本見上永

嘉三年廆皮江翻

而寇暴不已中原離亂州師不振

州師謂平州之兵東

夷校尉所統者是也

遼東荒散莫之救恤單于不若數其罪而討

之

廆白稱鮮卑大單于

上則興復遼東下則并吞二部

二部謂素喜連及木

也九津

忠義彰於本朝

朝直遙翻

私利歸於我國此霸王之基

也。庖笑曰：孺子乃能及此乎？遂帥衆東擊連津。

帥讀曰率以

翰為前鋒，破斬之，盡併二部之衆，得所掠民三千餘家。

及前歸，庖者悉以付郡。遼東賴以復存。

復扶又翻

封釋疾病

屬其孫奕於庖。

屬之欲翻

釋卒，庖召奕與語，說之曰：「奇士也。」

補小都督，釋子冀州主簿。俊幽州參軍，抽來奔喪。

說與悅同

俊丑緣翻

又七倫翻。庖見之曰：「此家扞扞千斤捷也。」

扞羽敏翻說文從高而下

也。捷居言翻。犗牛也。言千斤之捷。人間不可多得。若從天而下也。

以道不通，喪不得還。

皆留仕鹿鹿以抽為長史俊為參軍

史言封氏諸子遂為慕容佐命之臣


王浚以妻舅崔毖為東夷校尉毖琰之曾孫也

為毖與慕容氏

構怨張本崔琰

事曹公毖音祕

資治通鑑卷八十七



總校官庶吉士臣侍朝

校對官檢討臣王坦修

謄錄監生臣梅德